

四庫全書

史部

欽定四庫全書

欽定大清一統志卷三百二十五

福州府

福建省治東西距四百四十里南北距六百三十里東至大海一百九十里西至延平府

南平縣界二百五十里南至興化府莆田縣界二

百三十里北至建寧府政和縣界四百里東南至

大海二百八里西南至興化府治三百六十里東

北至福寧府治二百十里西北至延平府治二百

七十八里自府治至京

師六千一百三十三里

分野天文牽牛須女分野星紀之次

建置沿革禹貢揚州之域周為七閩地後屬越秦為

閩中郡地漢高帝五年為閩越國元封元年國除
後置冶縣屬會稽郡後漢置會稽南部都尉三國
吳屬建安郡晉太康三年始分置晉安郡屬揚州
後屬江州劉宋泰始四年改晉平郡七年復故齊
因之梁天監中析晉安地置南安郡陳永定初置
閩州天嘉六年州廢以郡屬東揚州光大二年復
置豐州隋平陳郡廢改曰泉州大業初仍改曰閩
州尋改建安郡

建安郡初治建安至是始移治於此

唐武德初改建

州六年復為泉州貞觀初隸嶺南

唐六典云屬江南道

景雲

二年改為閩州都督府開元十三年改曰福州天

寶元年改為長樂郡隸江南東道乾元元年復曰

福州

乾元元年改福建經畧使為防禦使大厯六年改節度使為觀察使理福州乾寧四年

升置威武軍節度使

五代初為王氏所據梁貞明六年陞為

大都督府唐天成元年王延翰建閩國長興四年

王延鈞改為長樂府晉開運三年屬南唐漢乾祐

元年地屬吳越仍曰福州威武軍周廣順元年改

彰武軍

見九城志

宋太平興國三年仍曰福州長樂郡

威武軍節度為福建路治景炎元年升為福安府

元至元十五年改為福州路明洪武元年改為福

州府九年為福建布政司治

本朝為福建省治雍正十二年析古田縣地增屏南

縣領縣十

閩縣

附郭治府東偏東西距九十三里南北距八十一里東至連江縣界九十二里西至侯官

縣界二里南至福清縣界八十里北至侯官縣界一里東南至長樂縣界七十五里濱海之南西南

至侯官縣界二里東北至連江縣界九十五里西
北至侯官縣界一里漢初東冶地為閩越王都後
置治縣屬會稽郡後漢改曰侯官為會稽南部都
尉治三國吳屬建安郡晉太康三年析置原豐縣
宋齊因之梁改為東侯官縣仍為郡治陳初為閩
州治後為豐州治隋開皇中改縣曰原豐十二年
又改曰閩大業初為建安郡治唐為福州治五代
因之宋兼為福建路治元為福州路治明為福州
府治

本

侯官縣

附郭治府西偏東西距八十一
里南北距一百七十二里東至

閩縣界

一里西至永福縣界八十里南至閩縣界
一里北至古田縣界一百七十一里東南至閩縣
界一里西南至永福縣治一百里東北至閩縣界
一里西北至閩清縣治一百三十里漢治縣地屬
會稽郡後漢侯官縣地晉因之為晉安郡治齊為
東侯官縣地隋為閩縣地唐武德六年復分閩縣

置侯官縣八年省長安二年復置貞元五年移入福州郭元和三年省五年復置與閩俱為附郭縣

五代及宋俱因之元為福州路長樂縣在府東南治明為福州府治本朝因之

西距七十一里南北距五十五里東至海七十里

西至閩縣界一里南至福清縣界五十里北至海

五里東南至海五十里西南至福清縣界六十里

東北至海五十里西北至閩縣界五里漢治縣地

隋閩縣地唐武德六年分置新寧縣其年改曰長

樂屬福州元和三年省入福唐五年復置五代梁

乾化元年王氏改曰安昌唐同光初復舊晉天福

六年改為安昌尋復為長樂宋屬福州元屬福州

路明屬福州府福清縣在府南少東一百三十五

本朝因之里東西距一百一十五里南

北距一百五十里東至海五十里西至興化府蒲

田縣界六十五里南至海一百二十里北至長樂

縣界三十里東南至海一百五十里西南至蒲田
縣治一百二十里東北至長樂縣界六十里西北
至閩縣界四十五里漢治縣地隋閩縣地唐初為
長樂縣地聖歷二年析置萬安縣屬福州天寶元
年改曰福唐五代梁開平二年王氏改曰永昌唐
同光元年復曰福唐長興四年始曰福清石晉天
福中又改曰南臺後復舊宋因之元元貞元年升
為福清州屬福州路明洪武六年復為縣屬福州
府本
連江縣在府東北九十五里東西距六十
里西至侯官縣界四十里南至閩縣界十五里北
至羅源縣界八十里東南至海三十五里西南至
侯官縣治九十五里東北至羅源縣治一百里西
北至侯官縣界九十五里漢治縣地晉溫麻縣地
宋齊以後為侯官縣地唐武德六年置溫麻縣於
此尋改曰連江屬福州五代宋因之元屬福州路

明屬福州府

羅源縣

在府東北一百五十里東西距九十里南北距七十五里

東至海四十五里西至古田縣界四十五里南至連江縣界三十五里北至福寧府寧德縣界四十里東南至海四十里西南至連江縣治一百里東北至寧德縣治一百里西北至古田縣界六十里漢治縣地唐連江縣地五代後唐長興四年王氏分置永貞縣屬福州宋天禧五年改曰永昌乾興元年又改曰羅源元屬福州

古田縣

在府西北二百七十里東

本朝因之

路明屬福州府

西距二百七十里南北距一百三十里東至羅源縣界一百二十里西至延平府南平縣界一百五十里南至閩清縣界八十里北至屏南縣界五十里東南至侯官縣治二百五十里西南至延平府

尤溪縣治二百里東北至福寧府寧德縣治二百五十里西北至建寧府建安縣治二百五十里

以下三葉，原書葉次誤號

治縣地唐開元二十九年置古田縣屬福州五代及宋因之元屬福州路明屬福州府本朝因之

屏南縣

在府西北三百二十里東西距一百四十里南北距一百里東至古田縣界七十里

西至建寧府建安縣界七十里南至古田縣界八十五里北至建寧府政和縣界十五里東南至古田縣界一百二十里西南至建安縣界一百六十里東北至福寧府寧德縣界七十里西北至政和建安兩縣界七十里本朝雍正十二年割閩清古田縣北境雙溪地置屏南縣屬福州府

縣

在府西北一百二十里東西距八十五里南北距一百二十里東至侯官縣界十五里西至延

平府尤溪縣界七十里南至永福縣界五十里北至古田縣界七十里東南至侯官縣治一百二十里西南至永福縣治五十里東北至古田縣治一百五十里西北至尤溪縣界七十里漢治縣地唐

侯官縣地五代梁乾化元年王氏置梅溪縣尋改曰閩清屬福州宋因之元屬福州路明屬福州府

本朝 永福縣 在府西南一百六十里東西距一百五十里南北距一百一十五里東

至侯官縣界六十里西至延平府尤溪縣界九十里南至興化府仙遊縣界七十里北至閩清縣界

四十五里東南至興化府莆田縣界八十五里西南至永春州德化縣界一百里東北至侯官縣界

七十五里西北至尤溪縣治二百四十里漢治縣地唐初為侯官尤溪二縣地永泰二年置永泰縣

屬福州五代因之宋崇寧元年改曰永福元屬福州路明屬福州府本朝因之

形勢閩越地肥衍

唐韓愈文

吻海而派江附山以居

沈亞之集

東南都會

宋蔡襄學記

長江在其南大海在其東

曹鞏道山

亭 其地坦夷百川叢會宋舊記南望交廣北眺淮浙

渺在天末乘風轉柁不過三數日宋郡志連山距海

邊徼重地元王惲奏議

風俗其性紆緩其俗儉嗇爭者喜訟病者好巫圖經嚮

學喜講論好為文章宋志產懼薄以勤羨用喜嗇以

寶華君子內魯外文小民謹事畏法市廛阡陌之

間女作登於男宋長樂志民以漁鹽為生閩縣志

城池福州府城周十里門七水門四東南有濠北面

十年重修 本朝順治十八年康熙三
十年雍正九年乾隆十六年俱重修 長樂縣城

周五里門五水關五西引江湖東接溪水明嘉靖
三十一年拓舊址築崇禎十四年重修 本朝乾

隆二年二十 福清縣城 舊城周五里一百八十六
五年俱重修 步門四水關二明萬厯二

十二年改築拓北城於山巔移舊城東西四百餘
丈增新城二百餘丈天啟崇禎間俱增葺 本朝

雍正十一年修 連江縣城 周四里門四小門三水
乾隆十年重修 闕三明嘉靖二十年創

築三十七年開城濠廣一大二尺 本朝雍正三
四兩年圯於水五年重修乾隆五年建水門四

羅源縣城 周四里門五水關二明萬厯七年甃石
本朝康熙四十年雍正十年俱重修

乾隆二十 古田縣城 周七里門四西北跨山東南
四年重修 濱水明宏治十三年創築萬

歷二十五年增修
本朝乾隆五年重修

屏南縣城

周三里長六百七
十五大雍正十二

年置縣新築乾隆
十八年修

閩清縣城

周二里三百步門五
本朝順治十八年築雍正

正十一
年修

永福縣城

周三里三百四十步門四水門
一明萬歷十七年移建今址

本朝康熙十九年雍正十
年修乾隆二十六年重修

學校福州府學

在府治東南興賢坊舊在府治西北
一里唐大歷八年建於今所明洪武

七年重建後屢修
本朝康熙三十八
年乾隆十六年重修入學額數二十名

閩縣學

在縣

治東南九仙山之麓宋慶厯間創建
本朝康熙
二十年修葺乾隆二年重修入學額數二十名

侯官縣學

在縣治東官賢坊宋慶厯中創建
本
朝康熙十九年修乾隆二年重修入學

額數二十名

長樂縣學

在縣治東興賢坊唐乾符四年建宋元祐中重修本朝順治

六年重建雍正十二年乾隆二十四年重修入學額數二十名

福清縣學

在縣治東宋元

豐中建本朝康熙十七年十九年三十八年重修乾隆四年重修入學額數二十名

連江

縣學

在縣治東南宋紹興七年建本朝康熙十一年重建雍正三年修乾隆二年重修入學

額數二十名

羅源縣學

在縣治東南宋元祐六年建本朝順治康熙間屢修乾隆二

十五年重修入學額數二十名

古田縣學

在縣治西宋景德二年建本朝順治五年重

建康熙二十二年四十一年屢修入學額數八名

屏南縣學

在縣治東本朝雍正十二年

創建入學額數八名

閩清縣學

在縣治東南宋景德四年建本朝雍正十三年重修乾

隆十五年重修
入學額數八名
永福縣學
在縣治東宋崇寧中建
本朝康熙十三年雍

正三年屢修乾隆二十九
年重修入學額數八名
鰲峯書院
在府城間縣
左三房本

朝康熙四十七年巡撫張伯行
建並置學田以供諸生五十年

賜三山養秀匾額雍正九年重修乾隆三年
御賜瀾清學海匾額並賜帑金以資膏火乾隆十五年

十七年二十九年屢加修葺又嵩山書院在府治
東石升巷乾隆十八年總督喀爾吉善建又鳳山

書院在府治侯官縣西三十里乾隆二十八年建
又吳航書院在長樂縣治南山之陽乾隆二十六

年建又奎光書院在古田縣學宮左乾隆四年建
又屏山書院在古田縣學鼓樓東康熙三十九年

建又景行書院在永福縣治東臯山乾隆二十三
年建又各縣並設有義學社學按侯官縣舊有

尊拙書院在縣西南三山驛前宋林之奇講學處
又三山書院在西湖旁宋寶祐中提刑王泌建又
道山書院在烏石山麓明隆慶中建又興學書院
在侯官縣西門街又藍田書院在長樂縣宋宋紹
興中建立又龍峯書院在縣東北十里宋劉砥劉鵠
讀書於此又福清舊有開讀書院唐陳燦讀書處
又石塘書院在縣東為宋林過講學之所又古田
舊有溪山書院宋朱子題溪山第一匾額又螺峯
書院在縣西螺坑朱子講學其中又浣溪書
院在縣西有朱子書額今皆圯廢附注於此

戶口

原額軍民人丁二十萬四千四百七
十五又滋生人丁三萬一百二十四

田賦

田地二萬三千四百九十七頃五畝二分零微
銀一十五萬一千八百四十四兩四錢五分七厘

零米一萬四千七百八石四斗二升一合零
田地四千七十四頃五十七畝九分三釐零微銀

二萬五千一百三十六兩九錢二分一釐零
米二千六百四十八石一斗九升六合零

山川九仙山

在府城內東南隅樂史太平寰宇記在福州東南二里越王九日宴於此亦名

九日山又昔傳何氏兄弟九人於此學道上昇故曰九仙曾鞏道山亭記城中凡有三山東曰九仙西曰闢山北曰越王故郡有三山之名府志舊名于山後改今名上有峯曰楚頂峯亦曰狀元峯為宋陳誠之讀書處南有小華峯其北小山曰羅山諺曰三山藏三山現三山不可見是山及烏石越王具現者也羅山與侯官之冶山闢山具藏者也又有隱隱磅礴於闕閭間者曰靈曰芝曰鍾故曰不可見云鄭樵通志丁戌山亦九仙山之支也一曰嵩山以在郡城之中又名中山閩山在城內西南隅寰宇記在福州西一里一百步周四里木名烏石山唐天寶八載敕改名闢山府志烏

石山與九仙山東西對峙宋熙寧間郡守程師孟
又改曰道山有薛老峯向陽峯望湖峯華嚴巖天
秀巖宿猿洞諸勝其支
龍仍曰闕山又有鍾山越王山在府城內北隅窠
百五步即越王無諸舊城也中有越王井井有金
雞侯官縣志山在城北隅半蟠城外東聯治山一
名屏山以形若屏展也亦曰半山西麓曰馬牧山
南唐攻福州時自馬牧山拔砦而入即此通志龍
腰山即越王山之半冶山在府城東北隅三山志
蟠城外者為郡主山唐元和中刺史裴次元
於其南開為毬場即山為亭宋時曰泉山亦曰將
軍山府志山故高聳經累代營造開鑿今卑小矣
所存惟山骨可坐數十人山西北有歐冶池相傳
歐冶子鑄劍之地周數里今多湮塞山東為芝山
又東為靈山皆支龍也按以上四山皆在府城
內而九仙屬閩縣間及越王冶山俱屬侯官縣

長樂山

在閩縣東二里寰宇記在縣東六里本名白馬山唐天寶六載敕改今名明通志越

王時有神仙騎白馬來故名白馬山通志山有小蘭亭宋時郡僚佐上已禪飲處

金雞山

在閩縣東三里相傳秦時望氣者言有金雞之祥遂鑿山脊以厭之故名其北曰龍窟山一名青鷲

山桑溪之水出焉

鳳邱山

在閩縣東五里府志宋初彭拒修真於此拒號鶴林朱子嘗書

鳳邱鶴林四大字刻於巖壁

東山

在閩縣東十里南史陳天嘉二年宴竒在晉安避陳寶應

之亂居東山寺縣志山有獅子峯榴花洞聖泉神移泉龍首洞靈芝塢諸勝

鼓山

在閩縣東

三十里延袤三十里府之鎮山也山巔有巨石如鼓故名南麓屹峙江濱為戍守要地其最高者曰大頂峯一名劣崩峯正東可望見海中又有小頂峯與大頂相去二里又有浴鳳池池右又有海音

洞白雲洞其餘峯嶺巖洞之屬稱名勝者不可勝紀其南支隴曰鳳山通志支隴有蓮歧山多奇石有蛇洞南至於江君山在閩縣東六十里由鼓山有石如劍曰劍山折而南在永北里上有崑崙石室下臨馬面潭其東為肱山有仙芝石三生石九眼泉諸勝其南為石龍山有溫泉井又有疊石山有靈鳳洋山在閩縣東七十里兩峯對峙如泉出焉搏鳳然又有嬰臺山其旁為銅

斗山天馬峯龍溪之水出焉相近有盤石山山頂三石高十餘丈上疊一石如棋盤又有石門山峭壁夾立其旁釣臺山在閩縣南九里崇阜屹立俯為重雲山瞰大江舊記云漢東越王餘

善於此釣得白龍以為己瑞因築壇曰釣龍臺今亦名南臺山去建江百餘步明初湯和自明州渡海攻福州奄至五虎門天寧山在閩縣南十五里駐師南臺福州遂下省會第一安山也

一名白泉山亦名掛榜山其東為藤山有
梅花塢植梅萬株直抵程埔可十里許
羅星山

在閩縣東南五十里馬頭江中為遠近奔流之砥
柱登其巔百里諸山皆在左右府志上有羅星塔

大象山

在閩縣東南五十五里為城南巨障下瞰
馬頭江又白田山在馬頭江南晉初郡守

嚴高嘗欲遷郡治於此其地產
蕉可為布有蕉嶺蕉坑蕉溪
玉枕山 在閩縣東
南六十里

西峽江南其巔曰枕峯有噴霞洞冷冷泉青田坂
諸勝山麓有枕嶼其旁為柘枝山又南有青布嶺

玉水山金麓峯又有白鹿山左有龍湫潭一名需
鼓潭潭水湍急如龍鳴水府志亦名烏龍潭歲旱

禱雨
輒應
九龍山 在閩縣東南七十里九峯插天狀若
龍騰下有昆濟潭潭下有穴潛通焉

頭
雲門山 在閩縣東南七十里南洋嶼多松竹泉
石之勝南連芹巖嶺峯後灣石龍諸山

長江繞於前江中
平山 在閩縣東南七十二里宋
有琴嶼雙魚嶼 少帝航海時駐兵於此刊

平其頂故名一名九曲山其南為甘泉山泉湧石
上不盈不涸又南有大翁山清涼山石儿山傳坑

山城門山皆
五虎山 在閩縣東南一百里大海中
濱於西峽 又名五虎門與江口相接明

初湯和由海道取福州處山下有官母嶼嶼上有
巡司相近有浮江山亦曰文筆山對峙者曰王埔

山又琅琦山亦在縣東南海中一名羅峙山其
旁又有清洋福斗諸山及雙龜嶼俱在海中 **清**

泉山 在侯官縣西十里其西為祭酒嶺五代閩時
光州湛溫事王延翰為國子祭酒建州刺史

王延稟遣使來覘虛實延翰命溫餞且酹之溫恐
延稟兄弟生隙遂自飲以死閩人哀之葬此遂以

名山又曰洪山亦曰洪塘山有嶺曰東岐嶺枕江
亦曰妙峯宋林通著書於此又縣西笏山有石如

笏亦名龜通谷山旗山在侯官縣西五十里江之
宋潘昉詩書於此

漏洞明統志與閩縣鼓山並峙相傳左旗右鼓全
閩二絕又白鶴山在旗山南一名仙宗山其山多

松蒙紆象山在侯官縣旗山之西山形外抱中平
數十里如蹲象然上有觀音泉又有洞深里

許多蝙蝠下為梅溪盤折十餘里其東為峙頭山
下橫長江曰浯江有磯曰醉魚磯其旁曰蘇岐山

埭山月山龍岐石門山在侯官縣西六十里兩崖
山俱在江次壁立中貫清溪有石門峽

螺峯山在侯官縣北一名羅峯山石晉天福二年
方士言有白龍夜見於此圖主昶因作白

龍寺稍北為大鵬山陶應居集曰晉太康中任敦
自茅山往居大鵬山王霸宅得金版仙訣即此

鳳池山在侯官縣北七里有池廣三四畝相傳有
五色文鳥浴於此宋元絳曾鞏陳襄李綱

皆有**昇山**在侯官縣北十里隋書地理志閩縣有

岱山飛山寰宇記昇山在閩縣西北十

四里越王勾踐時一夕從會稽飛來舊名飛山臨海人任敦於此昇仙唐天寶六載敕改為昇山通

志今洗藥池任公臺遺址猶存又**蓮花山**在侯官縣北二

十里有不溢泉鬼磨石昇仙巖諸勝

光三年閩王審知卒葬鳳池山長興三年改葬蓮花山在侯官縣北六十里山形秀麗如芙蓉別麓有洞曰靈洞洞口可大許遊

人秉炬以入紆迴十餘里莫窮其際通志洞內有五代僧義存所闢開山堂石牀石鼓石盆猶存

壽山在侯官縣北六十里產美石可硯可印瑩潔柔潤益砥也距山五里有五色石坑以石有

五色而名通志又北為黃巖山**九峯山**在侯官縣有瀑布高百餘丈峰間十餘里

北七十里

峯頂九出峭拔若華與芙蓉壽山亦並稱三山有嶺曰長箕嶺一名長岐嶺又名桃枝嶺路出古田

羅源二縣西北曰梧桐嶺產甘蔗五代晉天福四年閩人作亂王昶出北關至梧桐嶺為衆所殺即

此方山

在侯官縣東南七十里周一百里山頂方平故名上有珍果止可就食攜出即速唐

天寶六載救改為甘泉山府志在府南五十里閩侯官二縣界一名五虎九鼻山其高千仞四面如

城郭其峯曰天柱峯元末陳友定遣兵駐守今谷口有砦門甚隘其中平曠數頃溪流屈曲登山有

石梯崩路僅尺許懸崖斷塹削如羊腸行數里而連山頂為福州巖平陂一望遠近諸山皆若培塿

山陰又有靈源巖

怡山

在侯官縣西南十五里一名西禪山有龜吐泉周圍多荔枝其北曰

鳳高蓋山

在侯官縣西南三十里與閩縣連界中有三峯九島府城第三重案山也山巔

有天壇壇有池曰青龍俗曰天池有徐女峯相傳唐開元中徐水仙第三女上昇處旁有水曰桃花

溪又有洞曰蘆灣洞洞旁有仙人井山南齊姓居之曰齊坑山地屬侯官山北王姓居之曰北園山

地屬閩縣按府境有兩高雞籠山在侯官縣西蓋山俱著名而永福尤著南高蓋山之

西一名斗門山西為履岡舊志岡濱建江首起城南三十里尾盡城西二十里江水環繞為村阜三

十六居人遍植荔枝多至數百萬株通志三十六宅宋劉彝諸賢所居曰劉宅仙崎山在

官縣西南方山之南一名陰崎山與陽崎山隔江對峙通志山上居民稠密江水蜿蜒出其下瓜

山在侯官縣西南方山之西其支為南陽山山巔有烏岡潭四以風雲雷雨為名巖石險怪人跡

罕到古靈山在侯官縣西南七十里瓜山之西一名大帽山又名萍帽山山腰有石室曰太

乙巖有甘泉曰安德泉瀑布懸崖千尺又有碧玉潭潭底沙石五色嶠若機錦有古靈書院為宋儒

陳巖藺

花嶼山

在侯官縣西南七十里一名嶼頭其西為華標山赤塘山與石門山

對龍潭山

在侯官縣西南百餘里赤塘山之上西潭在山上禱雨輒應石岳山在

官縣西北三十里桐溪上流建江流經其下通志相傳山為越王遊憩之所有亭今廢山下即芋原

驛又西為葛岐山又西為五奇仙山

雪峯山

在侯官縣西北一百八十里高四十里盤踞侯

官闔清古田羅源四縣之境舊名象骨峯五代王闢時改今名有鳳皇岡烏石嶺應潮泉蘸月池豐

潭潭枯木庵麓山閣留香臺乘雲臺諸勝三山志山峯巖險拔四面回環未冬或雪或風無暑其旁

為丁山如丁字又有雙髻山山麓多濕壺井山在泉上多美石又南為梅埔山下有鍾潭長

樂縣東六十里濱海山陞有井狀如壺潮至則鹹
潮退則淡上有巖石聳拔俯臨滄海名百大巖其
旁岑巖巖岫之奇勝不一迤東則羣山錯峙又有
王母礁在壺井山南二礁對峙海中宋末楊妃負
廣王益王航
御國山 在長樂縣東七十里躡峙海
海時經此 瀛高出雲表夷舶入貢每視

此為準俗呼牛角山又有鐘門山
在海中當舟行之道有小嶼如鐘
海壇山 在長樂
縣東一

百二十里大海中周迴三百里福清縣志在今縣
東少南七十里具山如壇南北長而東西狹上多
雲氣亦名東嵐山唐時為牧馬地後漸有寺宇宋
初置牧監尋罷皇祐中許氏耕墾淳熙中有三千
餘戶元時氏戶嘗滿四萬多以漁為業明洪武二
十年詔徙其民於縣而空其地隆慶初始添設海
壇遊兵萬厓中復命增說水砦與興化府南日砦
相援今有總兵官鎮守舊志山西麓為霸前曰金

崎頭又有支山曰水馬山其南曰黃崎曰紫湖曰
牧上曰砦頭曰沅頭曰大小場游頭曰鐵藏皆為
泊船澳有三十六派湖環繞峯巒如畫宋宣和以
後大雨電湖皆決入於海又南即南匿嶼迤東高
者為軍山其間曰浚門曰獨步曰廣州垭曰小牆
曰東牆小牆之北曰十二藍焦東牆之北曰白兵
焦大桑小桑兩桑間曰桑門而兩牆間曰鸛鵲門
是外則極東之島舟不可行矣其北有沙漠又西
抵鐘門嶼玲瓏如鍾蕨蒲四圍海水鹹鹵而此泉
獨淡近嶼有石高二丈方二十丈其中井泉與潮
候應取水集焉亦船舶之都會也半潮抵礮澳則
為長樂縣界通志有小鯨山在縣東北海中山周
十里旁有大鯨門小鯨門五代以後為海賈互市
之地號小揚州明初與海壇之民同徙其他遂空
南山 在長樂縣南半里縣之案山也亦曰龍頭山
其巔曰登南山宋蔡雍詩有滿前青嶂千屏

立直下澄江一帶橫之句迤南五
峯並峙曰五馬山又南有三峯山
太常山在長樂縣越邊

山北一名大斛山左接籌巖山右連石首山最為
高峻舊志唐林慎思讀書籌巖朱子題曰德成巖

府志太常之陽有嶺曰風門陰有嶺
曰浮岬嶺凡三十六灣接閩縣界
龍泉山在長樂縣

東南二十餘里有卧牛仙冠品石梯雲蓮花五峯
並高峻仙冠峯之麓有巨石宋朱子勒朝陽二字

其南羣峯連接最著者曰福湖山上有獅
子峯朱子勒魁龍二字於石又名魁龍山
屏山在長樂縣

樂縣東南四十里高與靈峯山
埒上有五鯉石又名鯉石山
靈峯山在長樂縣東南五十

里一名天池山多靈勝有魯公巖香爐峯歸雲洞
半月池品字池諸勝其麓曰龍龕絕頂有望海亭

七巖山在長樂縣西南三十里上有七巖其北則諸山環峙如城亦曰羅山又曰羅城相近

有溪濁山頂有湖廣數畝冬夏不竭曰珠湖

六平山

在長樂縣東北一里蜿蜒六曲其上

平坦故名通志宋寶慶中太傅陳俞居其下又名太傅山又北曰首石山巔有巨石萬數十丈廣二

十餘丈中有竅泉四顧見水名四水石

越遷山

在長樂縣東北三十里亦曰越王山周圍

三十里相傳越王無諸之後居此因名

靈鷲山

在福清縣北縣之主山也亦曰鷲峯山其

巔曰玉屏峯稍西即金翅山在縣西北通志縣北枕靈鷲南拱崇山曰玉融山左有雙旌山峭立若

旌右有五馬山勢奔騰如五馬連絡為縣水口

瑞巖山

在福清縣東十五里有佛窟巖天章

巖香山天台玉虛三洞通海井一滴泉通志明嘉靖中戚繼光於山北開大洞天有宜睡洞歸雲洞

振依臺望湖臺諸勝

烽火山

在福清縣東二十里海邊鎮東城外舊志海道有警則舉燧於

此故名山頂嵌巖如屋龍山在福清縣東二十餘里亦曰瑞峯海口鎮

東二城在焉其巔有石塔可觀日出又鎮東城東北有拱辰山三峯北拱形如牛角俗呼牛角山有

石洞風生其下深鹿角山在福清縣東二十七里有石形如鹿角有仙篆

數字人莫能識大姨山在福清縣東一百五十里旁有仙井極深大海中舊志山常風色晴

空東向極望有如空青微露水面為小琉球國海水深碧東流不返莎蔓如組柁不容轉必剝木為

孟乃能旋開浮莎以濟海舟遇暴風不風避者往往漂至於此中國人為其所得則以藤貫其足今

耕作故此山昔忌夜大恐其國人望之而來也是為東角洋葢岐海之窮微矣通志俗傳望見小琉

球三日必有暴風石竹山在福清縣西二十四里山多產竹上有獅子象王等峯虎溪巖

紫雲洞卅龍潭無患溪出其下三山志昔有林元光煉丹於此騎虎上昇明林鴻有詩

白嶼

山在福清縣南六十里一名陳田絕頂有鴻休巖巖竇天成下瞰滄海相近有雙嶼二山突起海

中有百年洞又錦屏山在福清縣東南十里山形如屏相近曰鏡山為縣第

二水郭廬山在福清縣東南三十里明天啓中改口曰福廬山有三天門千人望及異香

玲瓏鳴玉等洞飲虹洞靈液泉舊志相連曰靈巖山巖石迴環幾數十里與福廬並稱名勝又東數

里曰東營山周環皆海明萬石山在福清縣東南嘉靖中成繼光破賊於此

峯靈根宜遠二巖石窟佳塘等河洞之廣者可容萬人其容千人者不可勝計又東南數里即萬安

所近所有南匿山舊產鹽黃蘗山在福清縣西南有南匿場宋於此置巡司

木故名有佛座香爐吉祥寶峯鉢盂報雨寶月羅
漢天樂屏障天柱文筆十二峯中有黃葉寺寺西
有嵩頭陀巖石罅間出乳香亦曰乳香巖有飛瀑
循崖懸空而下瀦為兩潭其上復有一潭人跡罕
至梁江淹詩南川饒奇怪亦稱靈靈仙金峯各府
日銅石共臨天陽岫照鷲采陰谿噴龍泉禽鳴丹
壁上猿嘯
靈石山 在福清縣西南四十餘里磅礴
青崖間 百里峻拔千仞有九疊留雲報

雨三峯仙人巖碧玉洞戲龍潭諸勝通志
報雨峯久晴鳴則必雨久雨鳴則必晴 **雙髻山**

在福清縣西南五十里上有仙壇高二丈餘上平
如削宋乾道二年雷震為二形如雙髻故名其西
有瀑布泉高數十丈下瀦為三潭通志山有靈峯
雲峯鷓鴣峯有白石巖巨石下覆中為石門可坐
數十人 按閩清縣東南三十里亦有雙髻
山周二十里高五千五百丈上有摩天嶺 **斂石**

山 在福清縣西北有歸雲玉女等
峯下有龍潭三交溪水出此 玉泉山 在連江縣西一

里許有玉泉巖仙桃巖
靈羊洞擁秀堂清澗間 龍淙山 在連江縣北縣之
主山也岡壑如龍

淙水夾溪而下有潭曰五峯潭北
五里曰湖山高秀出羣山之上 雲居山 在連江縣北三

十里通志有蓮花石狀若蓮花周圍有
獅輕搖則動力撼反否西麓為東岱山 香爐山 在連

江縣北四十里雲居之北道書以為第七十一福
地有峯曰章仙峯又有童井深僅尺許不涸不涸

覆釜山 在連江縣東南二十里巔有巨石形如覆
釜有玉人峯玉華洞清陰洞半月池諸勝

南麓有二石對峙 荻蘆山 在連江縣東南三十里
路出其中曰石門 窠宇記原名九龍山連

石鼓山而來相傳秦始皇今掘斷山脊見蘆根一
莖長數丈斷之有血故名明統志山在縣東南四

十里下有

馬鞍山

在連江縣東北五十里山勢逶迤達於海上又東有三德山舊

名三台山三峯並列下瞰海門

上竿塘山

在連江縣東北八十餘里大海中有竹扈湖尾

等六澳並峙者曰下竿塘山突在海岸有白沙鏡港等七澳明洪武二年徙其民於內地二山之地

逐簾山

在羅源縣東濱海又東諸山環峙俱臨海上其峙海上者曰金螺陣與楊梅灣相對

四明山

在羅源縣西窠宇記在永貞縣西五里四峯高列中有古壇生釣絲竹交蔭其上

石井泉甘如蜜府志一名毒火山山中有窪泉即石井泉也通志相傳赤松子煉丹處時聞絲竹之聲

有棋局上黏牡蠣殼按長樂縣西北亦有山名四明然非窠宇記所載之四明山也明統志以窠

宇記語誤注長樂縣山今改

蓮花山

在羅源縣南一里一名南山下臨城市中有聖水巖

升泉可愈疾通志即衆寶山其旁為席鳳山
帽山羅漢山西南為金鐘鐵陣二山源縣

城內北隅山勢聳起如飛兩翼通志左文殊山在下梅嶺右為上梅嶺有嶼曰鯽魚嶼

源縣北一里有羣玉峯章突洞迤北
松崎山

源縣東南六里對峙者曰寶勝山在羅源縣東北
鶴嶼在縣南十五里江中最高大黃水

溪水出馬洞宮山 在羅源縣東北高三百八十步窠宇記在永貞縣東北六里自武夷巖前

連接岡阜晉中興初以有王氣詔掘斷山
脊皆有血流通志上有神姥石童子峯
仙茅山

在羅源縣東北十里有兩山相連曰大茅小茅緣頂有羅喜洞中多奇石又縣東北有堆禾山山圖

如園有錦
萬石山
在羅源縣西北俗名破石
潭甘泉
山怪石萬狀邑稱奇觀
旗山

在古田縣東百里稍東南為鼓山通志縣有兩旗
山一在崇禮里一在杉洋又有馬山在旗鼓之間

北臺山

在古田縣西一里高聳如臺又二十里為
黃蘗山其地多桃有桃湖桃溪桃塢桃洲

每春時桃花夾
岸為遊觀之勝

翠屏山

在古田縣北縣之主山也
南為醴醕山甘泉出焉

五華山

在古田縣西南三十餘里五峰連峙聳峭
千仞一名大仙山亦曰大佛嶺又縣西南

八十里有九龍
山九峯峭立

極樂山

在古田縣西北二里許山
後有巖曰仙巖又北有鳳

種走馬山

在屏南
縣治東

龜山

在屏南縣東新志山形如
龜有洞曰藍洞其東有金

仙巖一峯挺拔曰文筆峯有磨劍石又東北為牛
頭嶺又東為困關有青山書院舊祀宋朱子隔溪

有山曰大邱山在屏南縣西其西北有三台山在
小武當將軍山金鐘山馬鞍山屏

南縣太湖山在閩清縣東十里山鼎峯山在閩清縣西有

雙巖梅溪流繞其下又臺山有閩清縣西南半里

白面山在縣西有溫泉山勢平行其狀如臺

縣之主山也又南有鍾南山上有盤留錢山在閩清縣

谷巖舊志石塔山在縣南為縣案山

西南舊志相傳唐乾符間嘗雨錢於此片山在閩清縣

聲鍾錚熊以億萬計樹木皆折故名

西南二里高一千五百丈大帽山在閩清縣西南

舊志相傳白玉蟾煉丹處

縣界周十里高三千五百丈舊傳其巔時有鼓聲

雲覆其上禱雨輒應山半有白巖高一千五百丈

相近有石屋鳳凰山在閩清縣東北形如翔鳳宋

山朱頂山陳祥道與其弟安道賜卜居

山下其旁有石竹山舊志在縣東北二十五里周

十五丈高四十丈按此竹竹與福清之山同名

鍾湖山

在閩清縣東北二十八里大江之西與侯官梅埔接界高五千丈下有鍾潭蛟龍出

没人不敢近其東有湖水應海潮

白雲山

在閩清縣西北八十五里周十五里高五千八

百丈林木蒼蔚白雲吞吐一名棋盤山中有仙峯巨石

檉峯山

在閩清縣西北一百里舊

志山周三十五里高六千三百丈北通尤溪縣通志檉峯有檉樹大數十國根分枝合故名龍

泉山

在永福縣東五十里其巔有湖曰雁湖地高水深與侯官雪峯山相望古語云雁湖深雪

峯沉雁湖淺雪峯現

觀獵山

在永福縣東六十里相傳越王嘗觀獵於此故名元末故總管

王翰避地山中間元亡自盡因又名官烈山

陳山

在永福縣南十里中有石龍山山如龍形

循山之脊為路俗呼登龍山舊志語云縣通福清則龍嶼溪為十八灣通興化則此山為十八摺又

斗湖山與陳山並峙上有六洞仙山在永福縣南

傳有仙居之每風雨晦冥時有音樂聲舊志山極高秀西南為二水之匯大張山在永福縣

南二十餘里穹窿磅礴羣山拱列其旁通志左有小張山相近有鐵券山有巖曰曹溪巖上摩蒼穹

相傳張趙二仙嘗遊此大妃小妃山在永福縣東南四十里

里昔越王葬二妃於此山故名通志有村曰三島村旁有巨石潭上為方廣巖有泉如練元王翰錫

飛佩高蓋山在永福縣西南六十里寰宇記在縣

色如金亦曰金支山土人徐登在此得仙縣志在縣西四十里道書以為第七福地王闕時嘗封為

西嶽拾級而上巨石如牆道出其中上有東西二石室對峙東室有水簾自千仞崖巔垂空而下崖

下承之以池曰龍吟池峯巒泉石種種奇勝通志
徐登得修煉訣趙炳訪之徐喜與共飲正值霜月

草木凋敝徐噴餘瀝頃刻林花遍開今所居名花
林庄徐與兄弟姊妹七人同時上昇故其地有七

仙亭及徐摩笄山在永福縣東北常思嶺在閩縣
趙二仙祠縣之主山也東南一

百里又東南至福清縣四十五里為北嶺在僊官
二縣交界處高數百仞一名相思嶺縣北三

十里路通連江縣懸崖而躋高幾千丈宋嘉祐三
年侯官令樊紀夷高直曲培凹續陷嶺失故險今

為往來鶴嶺在長樂縣東西通縣治東由雲洞大
通道路達广石梅花等處今為北鄉往來

通石尤嶺在長樂縣南四十與福唐縣分界府志
亦名石湖嶺在縣西南六十里福清縣

縣北二十五瀉水嶺在長樂縣西旁有巖數
里兩縣之界十丈澗水飛瀑可觀
誌嶺

在福清縣西南六十里以山形如蒜瓣而名登其巔望海瀾漫無際舊有照海亭少東為綿亭嶺又

縣西六十里有百丈嶺與莆田縣接界縣西北有臺嶺路通閩縣

螺嶺

在福清縣西北六十

里與閩縣接界山色黛綠如螺故名嶺勢峻岌如懸梯狀北瞰方山如咫尺其西北有傀儡嶺在驛

路旁下有應石高數丈過者呼之其應如答

金仙

嶺

在古田縣東北五里石磴盤曲登之可以望遠上有爛柯石又縣東北二十餘里有牛頭嶺宋

張浚有詩

梅林嶺

在屏南縣紆迴盤繞共十八層

嵩州嶺

在屏南縣南與古田縣接

界龍峯

在長樂縣北十里其西有巖宋劉砥劉紫礪與朱子講學於此因名曰晦翁巖

微峯

在長樂縣東南一名何極樂巖在永福縣東北十里形如

伏獅中有四洞每洞可容數十方廣巖

在永福縣東北四十

里舊志峭拔千仞上有石室周圍二千丈可容千人石乳參差下垂瀑布千丈有泉曰龍尾泉又有

龍樹巖聽泉巖瑞松塢望仙臺龍都峯

在永福縣西北拔起

千仞雙崖對峙宛若洞門有三石室最高者曰玳瑁峯峯南為雞巖峯北之半有白巖即閩清縣界

降虎峯

在連江縣西五十里明統志嘗有虎為矢所傷至獨覺禪師菴前若有所訴覺為拔

箭虎馴伏

寶峯

在閩清縣東北九十里周

西興巖

在永福縣西極高有瀑布水又西有獅子巖懸崖出澄潭上中有石穴深不可測鄉人結飛樓於其

巔至今為通

梅巖

在永福縣東南四十里高

道者

道駐足之地

出眾峯登之可見三江口

巖

在羅源縣北高十餘丈廣百餘丈中有石洞

榴花洞

在閩縣西山唐永泰中樵者藍

超逐白鹿入石門內有雞犬人家見一翁與榴花一枝而出既而莫知所在宋蔡襄有詩

靈巖

洞

在閩縣鼓山每雷雨作其中簸蕩若鼓聲

越王禁石

在長樂縣東北广石海中長十

餘丈產紫菜味珍王閩時採以充貢禁民私取故名

海

北自福寧府寧德縣界接入府境內環羅

源縣東又西南環連江縣東又南環閩縣東南又南環長樂縣北及東南又南環福清縣東迤西環

縣南又西南接興化府莆田縣界元和志連江縣海在縣東五里閩縣海在縣東南一百六十里長

樂縣大海在縣東七十里福唐縣大海在縣東四十五里閩縣志閩縣東南濱海海潮南則由粗蘆

門北湧東則由閩安鎮西湧皆會於馬頭江長樂縣志縣東南東北皆濱海山港澳嶼迴環為險福

清縣志縣潮汐分二派一派入迎仙港徑江一派入龍江而海壇雙嶼諸處為汛守要地又縣東近境之海謂之九海以港嶼曲折也其外為大海海防考長樂縣西北閩安鎮五虎門諸處實為省城門戶東北广石梅花所突入海中與連江縣定海所相對亦省城右臂也自梅花至松下巡司中歷十一澳皆東沿大海波濤衝激並岸水淺冠船難近獨松下漸南與福清接壤廣浙商船往往泊此海壇包其東南亦有觀音澳蘇閩江即建江自延澳可以暫泊故松下之備宜預閩江平府南平縣界東南流入經古田縣西南黃田驛又五十里至縣南百里之水口驛北受古田溪水江始出險就平又東五十里經閩清縣西北之小箬驛又東十里至閩清口西受梅溪水又東南四十里經侯官縣西北八十里之白沙驛又東南流至縣西北二十五里甘蔗塘南亦曰馬瀆江又南流分為二派

一派自北而東南歷侯官市至茅原驛曰茅原江
濱江有石岵山亦曰石岵江又曰螺女江寰宇記
所謂在州西北二十五里是也又東南曰金鎖江
寰宇記所謂在州西二十里是也又東南至縣西
十里曰洪山江亦曰洪塘江又東南入閩縣界經
釣臺山下曰南臺江亦曰白龍江寰宇記所謂南
臺江在州南九里濶九里是也又東南九里山下
而東出為馬頭江有巨石如馬頭潮退則現亦曰
東峽江而與西峽江會一派自西而南經侯官縣
西南三十里之高蓋山曰陶江亦曰瀨江又南循
縣南五十里之方山西麓至仙崎山曰仙崎江亦
曰陽崎江折而東流經閩縣界曰西峽江兩山夾
峙下通潮汐濶十餘里中流有石如底柱名浮焦
石俗亦謂之烏龍江又東至閩縣東南五十餘里
與馬頭江會二派合而東流江面益濶馬頭之北
支流曰上洞江其南曰下洞江中有獅子石與方

壺井江

在長樂縣東壺井山下亦曰壺井澳舊志山穴江中居人漸成市人東北曰磁澳

門入大海按閩江名目不一其自閩安鎮以東尤多異名以輿圖按之長樂縣東北五十里之花江入北曰广石江皆即馬頭江之海口又東至五虎門則大海口也舊志及通志皆似誤為分折

山對峙巨浸不沒諺云水浸方山鼻不沒獅子耳東流經長樂縣西北半里之急水門閩縣東四十里之閩安鎮江與大水相接浩瀚數十里其北經琅崎山下曰琅崎江又東為閩縣東百里之五虎門入大海

江中有孤山峙海中分東西南北四澳可以避風海舟常泊於北

苗江

在侯官縣西南其源為大漳溪溪而名非有苗江自永春州德化縣界東北北流入

永福縣界合洪口溪又三十里至嵩口合尤溪界水又五十里合興化水又六十里至永福縣治合

閩清界水又六十里合福清界水曰大樟溪經縣界二百餘里凡三十五灘悉皆險峻又東北流至侯官縣西南之瓜山曰澤苗江北注於陰崎江按舊志侯官縣西南有語江一名黃岸江受永福諸水東流為陰崎江下注陽崎江以輿圖考之當即閩江分流之南派仙崎江非另有一水也惟澤苗源資樟溪
松林江 在福清縣東去海口鎮十里是為巨流
至長樂縣東南三十里入海
亦曰松下澳相近者曰大社小社龍下等澳又有海下里江源出福清縣北二十五里之石尤嶺下流注江
龍江 在福清縣南元和志丹步渡在縣南以入海
百步其水謂之無患溪縣志江有數源一源自百丈嶺至鶴林為鶴溪一源自靈石山出與鶴溪合為無患溪一源自歛石山出為交溪西南一源自臺嶺出為蘆溪一源自七仙巖曰閩溪一源自石尤嶺曰澗溪並流至水陸橋南衆溪

合流名曰西溪又東經縣南曰龍首河入東廣運
五里初曰螺文江宋時改名龍江又東入海

江在福清縣南三十里其源有二一出故興化縣
之金丈大澤流合漁溪一出黃蘗山北過鐵場

邊又北與漁溪合為徑港南至綿亭東抵烏嶼門
又南至雙頭嶼岐而為二西出後嶼東出白嶼入

東復合入海又有南匿江在縣南南連江在連江
日里自莆田縣流入至南匿山入海連江縣南三

百步府志一名鼃江源出羅源縣黃土溪黃蘗潭
古田縣芝浮溪侯官縣舊懷安縣桃洲之密溪三

派合流而東經縣南環抱如帶東下合磁羅川在
霍峽口入海亦名條江江濱有漁滄潭

源縣南源出縣西蔣山流合金鐘潭至縣西分為
南北二溪北溪穿城中南溪繞城外至南莊潭又

分一派入城曰中溪至南門中北二溪復出與南
溪會合流過南亭橋旋轉九曲亦曰環溪經縣東

南六里之松崎山桑溪在閩縣東十二里通志閩入海又名松崎港越王流觴處也一名龍窟

鱔溪

在閩縣東二十里寰宇記源出鼓峰半名勝志越王郢時有鱔長三丈為民害郢之第三

子曰白馬三郎者射中之鱔經以尾三郎人馬與鱔俱斃按五代史王審知常乘白馬軍中號白

馬三郎然則稱三郎為漢義溪在閩縣東南舊志閩越王郢之子亦訛傳耳

里源出福清縣界流十五里為榕溪大目溪在侯人源經綠楊橋曰義溪入西峽江官縣

西北七十里源出古田縣界其南為小目溪出永福縣界甘西北流注於馬瀆江按輿圖作大穆

桐溪

在侯官縣西北三十里俗謂之桐口其相近有陳塘溪俱流入岳江按輿圖有成

塘溪出府西北山中西南流至甘沙溪在侯官縣蔗塘東南入江當即陳塘溪也西北二十

里源山分水關經建創而下中有九溪在長樂縣東嶺口舊

志源出六平首石諸山流經太平橋曰觀音溪又經縣南又流入馬頭江又有中溪竹林溪資聖溪

皆入三溪在長樂縣南舊志福清縣諸溪匯於破石潭分流為三如鼎足亦名鼎溪歷四

十里轉由東山港入海又星溪在縣西南源出七巖山亦曰獵溪與三溪同入海溉田千餘頃長

樂大溪源出福清縣仰辰山流經長樂縣東南三十里紫迴溉田千餘頃西北轉入海

祉溪在長樂縣東南四十里海濱志源出福清縣之境嶺流至小祉澳入海蘇溪在福清縣

清縣西南四十里源出興化府莆田縣界流入縣境合漁溪匯於逕江漁溪在縣西南三十五里源

出黃蘗山裏洋與蘇溪合又竹溪在連江縣南流蒜溪源出蒜嶺亦流入逕江經龍塘入海又

財溪在縣東南源出百大漆
下流入海時有灌溉之利
周溪在連江縣西南

東南皆流
入鰲江
霍口溪在羅源縣西四十里自古田縣
流八人南流入連江縣即鰲江

之上
流也
起步溪在羅源縣北五里源出縣西北善化
里山頂南流合松崎港入九龍溪在

縣北南流入起步溪又黃河
溪在縣西北流入九龍溪
古田溪在古田縣東
三山志源出

建寧界東南流曰橫溪至上生院南合薦溪潭數
里合桃溪東流至縣東北隅龍津橋合東北溪又

南經戴星洲鳴玉灘磨劍石下百丈漆曰水口舊
志橫溪在縣西北又桃溪出縣西黃蘗山流合馬

又南合於建江亦謂之松溪溪上有萬溪館縣志
水口為羣溪匯合之處亦曰困溪水流寬平無灘

石之阻上下舟楫恒泊於此
按此即西溪為古
田大溪之上源與圖山白漆嶺下者是也古田縣

西北與建安界處今屬屏南縣曰橫溪里有水曰橫溪東南流北合屏南縣境雙溪禹溪倭溪諸水

至古田縣城北與東溪合又南流東合西洋溪水又南至水口鎮與圖亦作劍溪舊志誤分爲二水

瀨溪

在古田縣西五十里舊名瀨里溪東流經縣南二十五里入古田溪

虎溪

在古田縣

西舊志在古田縣西八十里明洪武初谷口巡司熊彥迪嘗置虎溪寨於此按與國當即黃田驛

東之上洋溪也南入建江東溪

源出古田縣東北杉洋鎮西流至縣東合古田溪又甘溪古名

藍溪感溪一名錦溪俱流入東溪按與圖北溪即黃居嶺下之水西流者感溪即西洋溪梅

溪

源出永福縣西北山中北流經鼎奉山下人十餘里雙崖聳峙中瀉三灘名曰龍門入東北流

閩清縣又入東北經縣北里許又東北入江舊志江水濁而溪水獨清故縣以閩清爲名三山志謂

之閩清水又瞿曇溪在閩清縣西南三十里源亦
出永福界流入梅溪又演水溪在縣西二十里源
出尤溪縣界東流入梅溪按輿圖即閩清之南
溪也演水溪即檉嶺下之水東流者尚有下際溪
出閩清縣東南下際嶺西北流至雙溪在永福縣
縣西八梅溪舊志及通志俱未載雙溪西三里越
峯山下有二派一出縣西北十七里瑞峯山者曰湫口溪亦
曰南溪一出縣西北十七里瑞峯山者曰湫口溪亦
曰西溪合流為雙溪會龍嶼溪在永福縣東南府
流入大樟溪為潭苗江龍嶼溪志源出福清縣界
流經縣東之龍嶼逶迤九曲十
有八折凡四十里合大樟溪西湖在侯官縣西
要在府西南三里晉太守嚴高所鑿引西北諸山
溪水注之周十餘里又有東湖在府東北三里亦
嚴高所鑿引東北諸山溪水注之周二十里二湖
與海潮通引流溉田為利甚溥唐貞觀十一年觀

察使王翺又開南湖於城西南五里廣二百四十步接西湖之水灌於東南後王審知於子城外築羅城及南北夾城皆取土於西湖旁湖周至四十里宋慶歷中浙徽嘉祐二年蔡襄復請濬治熙寧中曹穎升程師孟相繼修築淳熙中趙汝愚復請濬西湖明萬厯中亦嘗疏濬後日就淺隘舊志東湖至宋已涸南湖遂湮西湖亦僅同池治本朝康熙二十二年總督姚啟聖巡撫金鉉會議開濬西湖四十二年總督金士榮巡撫梅銷重濬旋又湮塞乾隆十三年總督喀爾吉善偕巡撫潘思渠重興工疏濬為堤葺湖心之開化寺及湖旁褒忠祠其用取贖銀并入官之田直事載府志巡撫潘思渠**桃枝湖**在長樂縣南十餘里舊志一名桃有記坑湖五代王閔時所鑿宋咸平熙寧中再濬周五百餘丈溉田二十九頃又南有橫嶼湖一名福湖亦唐宋故址周三百餘丈

延

祥湖

在長樂縣南三里龍門前澳一帶兩歧亦宋元故址湖沙往來可通舟楫溉田千頃

林湖

在長樂縣東舊志長三里濶五十餘丈宋紹興中縣令陳可大開溝引湖水溉田西洩於

海亦名嚴湖

在長樂縣東北舊志陳大建初里人嚴光捨田鑿此周三千二百八十丈

潞大畬溪水又名放生湖中有小阜曰嶰山後漸湮明正統十年縣民劉彥良疏請濬治從之未幾

廢濱閭湖

在長樂縣東北舊志唐天寶五載沙合廢成大歷中里人林鷄因捨田鑿為上

下二湖周一千三百大溉民田七百頃又開溝洩水入陳塘港至登賢官路而止名曰東溝宋元祐

中縣令袁正規鑿卓嶺水道及登賢官路遂與東溝相接名曰龍津明隆慶崇禎中兩經疏濬其南

有林婆湖相傳林鷄妻趙氏捨畝田所開也

東塘湖

在連江縣北瀾水五百頃溉田四萬

詠隋開皇十三年肇興唐咸通初令劉達宋淳化
初知縣事鞠仲謀重浚明天順四年知縣歐陽翰
大加清飭天啓末復湮
本朝康熙六年重濬如故
鑑湖在永福縣東北一
測又有龍窟在縣東與鑑湖隔仙掌陂
地脈潛通水痕相下流皆時注大樟溪
樂縣東南三十里舊志舊有港入海為沙所壅宋
元祐中縣令袁正規開卓嶺後山為港抵陳塘港
西注之海又鑿林岳莊前之山為渠直
出漳港石渠南注之江名曰元祐港
樂縣東北四十里舊志宋末陳龍築田砌塘因名
水源自梅花山下會東西濱間湖嚴湖并七十二
洋之水至此深
數丈長十餘里
魯浦在閩縣東南府志州人多就
南唐兵圍李仁達於福州仁達求救於吳
越兵至自魯浦南潛入州入川城即此
白鰕浦

在閩縣南府志五代漢初吳越將余安自海道赴
救福州至白鰲浦海岸泥淖布竹箐而前既登岸

奮擊南唐兵大破之即此**甘蔗洲**在侯官縣西北二十五里橫
江心居民皆種蔗為業相

近有白**芹洲**在侯官縣西南澤苗江西岸湍飛迅
急壅而成洲周迴二十餘里居人隱

然閩閩洲多產**芹洲**在閩縣南方山北一里環
故名又名瀛洲**螺洲**在閩縣數百家又投桃洲

在縣東南馬頭江**鳴玉灘**在古田縣東府志東西
中有田數千畝溪合流里許有石灘橫

截中流亘東西岸舊名洪瀨灘宋**大灣灘**在古田
景德中縣令李堪改名鳴玉灘縣南水

口鎮二十里閩江險處也舊志自水口已上達於
浦城計程六百里灘石嵯峨縱橫林立舟行石罅

中至水口則灘險已盡江**龍門三灘**在永福縣通
流浩瀚以風阻為虞矣志北連閩清

梅溪之水沿水而流至十餘里瀉
為三灘宋黃幹有龍門三灘記

二龍潭

在長樂縣東南

十里舊志宋祥符間夏月雷雨有黑白二龍從演
江飛起白者處山之陽因名曰白龍潭黑者居山

之陰曰黑龍潭
亦曰祥雲潭

栢山潭

在福清縣東南三十里龍
堂山下又橫山潭在縣西

南三十里龍首滌潭
去橫山潭十五里

清界潭

在福清縣西北十五
里有瀑布下深數

十丈**漁滄潭**

在連江縣通志有石
刻漁滄天乙之門

湖汰潭

在永福縣
西十里許

舊志樟溪所經也溪流皆灘石險隘僅有小港容
舟惟此潭瀾浸渟蓄時有龍見人赤壁潭在縣東

臨海石峭峭拔
時亦色故名

龍湫

在羅源縣舊志有二一在縣
西南金鐘山一在縣西北福

源山二湫相去二十餘里而泉脈相通又橫峯龍
潭在縣東南陰絕人跡罕到又百丈龍潭在縣西

北山頂下注為溪又險巖龍潭在縣
西北巖壁高峻飛瀑百丈下注於潭
賢良陂在閩清縣

西南舊志宋陳賜拜石得泉獲
灌漑之利賜嘗應賢良科故名
歐冶池在府城巾布政司治

所明統志昔歐冶鑄劍之地周數
里府志在治山之麓今浙湮塞
溫泉府境有五

東南城隅湯升巷二在縣東崇賢里及易俗里一
在連江縣西北光臨里一在閩清縣東北賀恩里

神移泉在閩縣東東山大乘寺側又有湧
泉在縣東南鼓山寺側平地湧出
苔泉在

官縣北龍腰山一名龍腰井府境第一泉也通志
宋蔡襄守福州日試茗必於龍腰取水手書苔泉

二字立應潮泉在侯官縣西北雪峯寺廣二三尺
泉側水纔數寸進退淺深與潮候無少

差虎跑泉在連江縣北中
鵝里降虎峯下
惠民泉在屏南縣西勺
水不盈尺許潦

不見溢旱

七星井

在閩縣通志其六在宣政街東
西一在還珠門外宋慶歷中提

刑蘇舜元所鑿紹興間砌七石孟於
樓之北注水以厭火災近名七福井
煉丹井

在

官縣烏石山巔又崔公井
在山旁以唐崔千得名

古蹟冶縣故城

在閩縣東北治山之麓史記漢五年
立故越王無諸為閩越王都東治建

元六年分立餘善為東越王元鼎六年餘善反元
封元年滅之詔徙其民江淮間東越地遂虛沈約

宋志治縣蓋勾踐鑄冶之所故以為名後漢曰侯
官吳志建安初會稽太守王朗奔東治侯官長商

升為朗起兵孫休永安二年黜其兄會稽王亮為
侯官侯通考閩越王無諸開國都治依三置壘據

將軍山歐治池以為勝舊志唐中和間觀察使鄭
鑑拓郡城東南隅是曰子城天復元年節度使王

審知於子城外環築羅城周四十里梁開平元年
審知又築南北夾城謂之月城宋開寶七年刺史
錢昱又築東南夾城太平興國三年錢氏納土詔
盡毀其城熙寧二年郡守程師孟據子城舊基修
築復增拓其西南隅咸淳九年嘗增築外城元至
元中復墮廢至正二十四年陳友定稍繕完之節
今治

侯官故城

在侯官縣元和志北至福州二里
武德六年於今州西北三十一里

置八年廢長安三年重置貞觀五年觀察使鄭叔
則奏移於州郭環宇記元和三年觀察使陸淮復
奏省入閩縣五年復置仍為州治舊志五代晉開
運二年南唐將陳覺欲取福州自劍州緣江東下
李仁達將楊崇保率舟師拒之覺等敗之於侯官
即侯官故縣也今故址名侯官市亦曰侯官關
新寧故城

在長樂縣南唐置尋改曰長樂元和志
縣西至福州一百里縣志故城在縣南

十五里唐上元元年移置
六平山吳航頭即今治

福清故城

在今縣治東南唐析長樂

地置寰宇記縣在州東南一百一十里明鄭萬程
縣治辨畧舊治永慶即今縣永東里石晉初徙南

臺即今
臺嶺

溫麻故城

在連江縣北晉太康四年以溫
麻船屯置縣元和志縣西南至

福州水陸一百六十里晉立溫麻縣武德六年移
於連江之北改為連江縣三山志在今州東北九

十里蓋南宋後
始徙而南也

古田故城

今縣治唐置元和志縣
東至福州一百七十里

開元二十三年開山洞置東與連江西與沙縣分
界閩中記開元二十八年溪洞通民劉彊等千餘

歸化都督李亞邱以聞明年始立為縣當環峯複
嶂間平陸二十五里版垣墉高丈許步三百右挾

建溪州城實東南面也永泰二年析侯官尤溪二
縣地以益之宋縣令李堪古田縣記太平興國五

年轉達使崔策復還舊治舊志縣舊置於雙溪之
滙屏山之南即今治也其宋初所移即今水口鎮

原豐廢縣

在閩縣晉置屬晉安郡沈約宋志太康
三年省建安典船校尉所立也陳置豐

州取縣為名陳初廢入
侯官因改侯官為原豐

懷安廢縣

在侯官縣北宋
置懷安縣記縣在

州西北四十五里太平興國七年割閩縣敦業等
九鄉置三山志縣初治茅原江北三十里咸平二

年移治石岳廣故驛為縣治東南去州城二十五
里府志元至元二十二年遷於縣西尋復故明洪

武十二年移入郭內萬
厯二年并入侯官縣

永貞故縣

在羅源縣南五
代時王闕置襄

宇記縣在州東北二百十里唐大中元年割連江
一鄉置羅源場至後唐長興四年改為永貞縣宋

改曰羅源邑人陳祚羅源縣記畧舊治在今水陸
寺西隅界雙溪之間水潦時至慶厯八年遷於戴

坑四山環合其背如翔鳳其前則奇峰拱列東兩溪夾左西三川夾右即今治也

永泰廢

縣

在永福縣西唐永泰二年折侯官尤溪二縣地置以元號為名元和志縣東北至福州二百五

十里觀察使李承昭開山洞置縣東水路沿流至侯官縣西汭流至南安南北俱抵大山並無行路

三山志在州西一百二十里崇寧初避哲宗陵名改曰永福

福州故衛

在閩縣明統志

左衛右衛俱在府治東北中衛在左衛東俱洪武二十一年建本朝康熙五年裁

梅溪場

今閩清縣治舊唐書志福州有梅溪縣新置寰宇記閩清縣在州西北一百五十里唐貞元元年割

侯官一十里為梅溪場梁乾化元年改置為縣按新唐志貞元初置梅溪縣今元和志福州領九

縣無梅溪舊唐書亦曰銀場在永福縣西九域志新置斷以寰宇記為是

銀場

永泰縣有黃洋保德

二銀場府志縣西有保德里又有銀礦
在縣西地名太原宋元豐中嘗鑿取之
鹽場九域志長

樂縣有鹽場一羅源縣有鹽場一長樂縣志嶺口
鹽場舊在縣治西隅臨水渡側宋熙寧中運使賈

青移置於東隅嶺口歲納鹽
二百四十萬斤寶祐中革
金坑在古田縣東北
六十里九域志

縣有金坑一又縣有寶興銀場縣志銀場在縣西
北二百里近三峯禹溪當建安壽寧松溪政和諸

縣之衝宋天禧二年開紹聖二年罷明初屢開屢
罷弘治五年設軍防戍又有龍嶺坑游家坑赤巖

坑皆銀礦嘉定初賊據寶興叛萬厯二十
七年復開採尋以利微而罷三十三年封閉
垂拱

殿在今布政司署內舊志即五代王閏時明威殿
宋端宗航海時駐此重建改名又有長春寶皇

大明紫微東華躍龍諸宮及文德文明大
彌等殿皆王閏時所造錢氏納土後悉燬
啟運宮

在閩縣東開元寺舊志宋景德初建於西京以奉六聖神御後遷東京建炎初東京陷遷於福州

水晶宮

在侯官縣西湖上舊志閩王時築室後攜後宮遊焉

校尉營

在閩縣東

芝山南三國吳立典船校尉造船於此

進貢廠

在閩縣東內門外柔遠驛北明初建為外

國使臣館舍

王審知故宅

在閩縣東北慶城寺南

許將宅

在閩縣葛縣治

東朱倬宅

在閩縣葛縣治西

周朴宅

在侯官縣烏石山鱗次臺

陳襄宅

在侯官縣古靈村

鄭俠宅

在福清縣治南今名鄭公坊

黃祖舜宅

在福清縣

東南大壤山

陳貴誼宅

在福清縣場前街

李彌遜故宅

在連江縣西北

清河里濂湖山之麓有筠溪釣臺彌遜所築舊址猶存

陳祥道故宅

在閩清縣西北

鳳凰山下

黃定宅

在永福縣東方輿紀勝宋乾道丙戌狀元蕭國梁居縣之重峯己丑狀元

鄭僑居縣之龜嶺壬辰狀元黃定

虞公菴

在閩縣

居縣之龍漱時稱百里三狀元

虞梁陳時甘棠宅

在閩縣舊州治三山志宋開寶九年錢昱初中為夢蝶枕流臨

虞綺霞四亭其南為門榜曰甘棠皇祐四年劉夢於其東建逍遙堂治平元年元絳又建忠義堂於

逍遙堂南熙寧八年元積

同仁館

在長樂縣西明宏治五年知縣

潘府

環玉館

在羅源縣西一里許宋余深建為聚書之所周環皆水故名

德成

精舍

在長樂縣東北籌巖之畔唐林慎思讀書處後人構堂祀之宋朱子題曰德成栢衙

在閩縣東南通津門外元行省郎中拜特穆爾居此俗呼栢衙前拜特穆爾舊作栢帖穆爾今改

釣龍臺

在閩縣南臺山上寰宇記越王無諸於此釣得白龍因名臺上有遊觀亭碧光亭

鎮閩臺

在布政司南舊虎節門外五代王審知築平遠臺在閩縣九仙

坐嘯臺

在閩縣逍遙堂之北舊養和亭也宋熙寧二年程師孟築為臺名玩月紹興二年程

邁改威武臺

在閩縣三山志在城隍廟今名威武臺東宋熙寧二年程師孟築張樂臺在

官縣烏石山上郡人遊眺之所宋湛俞詩茉莉晚連曉檻白荔枝秋映綺筵紅又隣霄臺在烏石山

西南通志冲天臺任公臺在侯官縣昇山絕頂唐為唐崔干放鶴處任敦於此上昇宋陳鏐

有乘雲臺

在侯官縣西高風臺在閩縣西鳳凰山下香巖寺之西通

志舊有臺址元貢師泰增築之名曰高風上建鳴鳳亭師泰皆自為記

金閩第一樓

通志在布政使司儀門之南唐元和十年觀察使
元錫建即威武軍門也宋嘉祐八年郡守元絳更
為雙門建樓十楹熙寧二年程師孟始置壺漏鼓
角又為兩樓以翼之左曰宣詔右曰班春後屢燬
屢修其銅壺為宋儒福寧陳清風樓在閩縣三山
普所鑄晷刻不差今無存矣志在舊小廳
西南蔡襄詩郭外清溪溪外山溪雲飛上破
山顏清明天氣琉璃色何處峯頭帶雨還拱極

樓

在閩縣英達坊宋鄭性之
建理宗親書扁石刻尚存

蕃宣樓

三山志在府
城西北隅舊

碧峯亭也熙寧中改築子城上建九樓曰蕃宣西
河五雲三山清微東山堆玉緩帶望雲今惟清微

東山與衣錦閣在閩縣三山志在九仙樓東舊名
此樓存賞心閣宣和五年以余深典鄉郡

改經史閣

在府學內宋教授常
潘孫建朱子作記

三山閣

在閩縣平
遠臺東宋

時建許敦
仁有詩

超凡閣

在閩縣鼓山飛構層巔登澄瀾
眺使人有超然出塵之想

閣

在侯官縣舊西湖旁
三山志趙汝愚建

日新堂

在閩縣三山志慶
歷六年蔡襄建

炎三年以
為安撫廳

止戈堂

在閩縣三山志安撫廳舊甲仗
庫後有堂曰武備紹興二年韓

世忠討平
建寇改名

燕堂

在閩縣三山志嘉祐四年燕
度建安民堂熙寧中改名

眉壽

堂

三山志在燕堂西南紹興十年張
浚判福州為其母秦國夫人建

風月堂

在羅
源縣

南華洞宋林逋隱居處陳襄詩四
時花木錦繡谷十里江山水墨屏

春野亭

三山志
在日新

堂東南慶歷二年蔡襄建又舊
州治有雙松亭亦襄建并書額

萬象亭

三山志在
燕堂之北

紹興十四年
葉夢得建

元公亭

在閩縣鼓山宋時建元絳詩
誰書我姓揭亭顏即此今為

郡人遊
玩之地

天風海濤亭

在閩縣鼓山宋時建朱子書扁趙汝愚詩江月不隨流水

去天風直

道山亭

在侯官縣烏石山宋程師孟建曾鞏記曰程公為是州得閩山

嶺岑之際為亭於其處以為登覽之勝可比於道家所謂蓬萊方丈瀛洲之山故名之曰道山亭

奎華亭

在侯官縣西怡山西禪寺中藏宋太宗宸翰

環峯亭

在侯官縣越王山宋

乾道中
賜宸翰

四見亭

在越王山宋建劉瑾有詩

馬江亭

在長樂縣西北半里馬江

渡之北舊名臨江館宋元祐中建明隆慶三年知縣蔣以忠重建為駐節堂

迎恩亭

在長

樂縣西北馬江地名吳航頭蓋五代吳越兵入閩時泊船處也今名馬頭埠

雙溪亭

在屏

南縣北宋淳化三年建林膚詩延平閣想張華劍娶女樓觀沈約詩以延平有雙溪劍娶女有雙溪

樓故也今名溪山第一亭

安適軒

在長樂縣東南行林寺宋唐最有詩

陶竈

在侯官縣

戰坂西通志梁開平元年閩王審知築夾城陶竈於此審知命陶者每甓上印錢文其後國歸吳越

錢氏人以

毬場

在侯官縣唐馮審毬場記曰刺史為先兆云

衙營其北乃接連山麓為亭

古籀文石刻

在閩縣鼓山通志有石橫亘五十餘丈刻

籀文其上

石室仙篆

在永福縣六洞仙山通志山多不可識

代書

關隘五虎門

在閩縣東南海中五虎山有官母嶼巡司洪武二年置今改駐省城

雙溪

公館隘

在屏南縣北接政和縣界明萬曆十七年以礦徒作亂創建撥兵防守又分水隘去

雙溪八十里與建安縣接界禹溪隘嚴家洋隘去
雙溪五十里與政和縣接境嚴家坑隘去雙溪四
十餘里前墩隘去雙溪七十里皆閩安鎮在閩縣
與寧德縣接境並萬厝中置守兵閩安鎮在閩縣
里有巡司九域志閩縣有閩安鎮府志明洪武二
年置又有閩安稅課局與巡司同置今廢海防考
海水潮汐與馬江會於閩安鎮有兩口一東出雙
龜門外繞壺江五虎一南出琅崎門外繞广石梅
花閩安為江海之鎖鑰而會城之門戶也竹崎鎮
通志鎮有城本朝順治十五年建築
在侯官縣西北六十里濱江有巡司松下鎮在長
明正統六年置又永慶鎮置有巡司
東南三十五里明洪武初置於福清海口二十年
移置於此為長樂咽喉福清門戶嘉靖三十九年
拓寨為城周三百十六丈崇禎九年知縣夏永翼
更擴之周四百八十丈有門四水關一又壘下城

在縣東南三十里嘉靖四十
年居民築以備倭周一里

蕉山鎮

在長樂縣東三十里旁有

蕉山故名明洪武二十年自梅花所移巡司於此
隆慶三年知縣蔣以忠始城之周三百六十丈有

四小社鎮

在長樂縣東二十五里有巡司明洪武
初置嘉靖四十年葺寨為城周一百八

十七丈崇禎六年移治大社澳南去舊治數里又
縣東北四十餘里有黃崎寨與仙崎广石東山名

把截四寨為沿海要
地舊有巡司今裁

江口鎮

在福清縣南江陰里
元置於南日里名南

日巡司明洪武二十年移置於
壁頭山在縣南百里今移改

東岱鎮

在連江縣
東舊有城

本朝康熙八年修造移
移北巡司駐此今裁

滌門鎮

在永福縣西四十里
有巡司宋時置於縣

南之羣嶺寨元至元中移於保德里之滌門明景
泰四年又移於縣西嵩口埕成化八年為水所圯

今復海口鎮在福清縣東二十里九域志福清縣故海口鎮舊志北倚龍山南去瑞巖

山二里宋里人林遷創建有城周八百八十五丈門五元時置海口務於城內明初改為海口稅課

局並置河化南鎮在福清縣東南六十里地名前泊所於此薛有民城明嘉靖中築以禦倭

其東北數里曰化北鎮相傳隋牛頭門鎮在福清時掠琉球五千戶居此因名

一百里有巡司元末置於遷江口明洪武十二年移置於此改名又有錦屏巡司在縣東南今俱廢

沙塘鎮在福清縣南五十里有民城明隆慶間築又遷江鎮在縣西南宋置遷口務明洪武

初改為遷口稅課局十八年圯於水因自水南移於水北又南門稅課局在縣南龍首河北元置南

門務明初北茭鎮在連江縣東北一百里海中有改今皆廢巡司西北至羅源縣八十里本

名荻蘆鎮宋淳祐三年置荻蘆寨有水軍千人亦曰武濟水軍元置巡司明洪武二十年改今名並

築城與定海相為唇齒 蛤沙鎮在連江縣東北五十里崖石峭立如壁明洪武十六年置

河泊所於此二十年築城今廢 應德鎮在羅源縣西南二十五里與連江縣接界為往來通

道 水口鎮在古田縣南九十里九域志古田縣有水口鎮志東南至府城一百八十里

即宋初所遷縣治也延津上游此為鎖鑰之口景德遷縣後設監鎮官於此又鹽運分司亦治焉有

浮橋橫於江津朝夕驗放亦曰水口關自水口而上五里有塔嶺亭西往南屏北往古田分歧於此

本朝乾隆八年移縣丞駐此 谷口鎮在古田縣西南八十里有巡司宋大中祥符五年置於水

口鎮元移置於此改曰谷口巡司明正統初杉洋西溪鎮宋置宋置巡司明洪武十二年革

鎮

在古田縣東一百二十里東去羅源縣一百三十里舊有巡司宋元時置地有銀坑多礦盜明

正德二年增設通判駐此嘉靖十年革巡司改置捕盜官於此青窰鎮在閩清縣

又縣南有稅務大樟鎮在永福縣東五十里梅花

舊所

在長樂縣東少北四十里梅江頭山上木曰北鄉巡司明洪武十年始築城二十年移置

巡司於蕉山改建梅花所增拓舊城周六百四十八丈門三外環以濠本朝康熙三年裁所萬

安舊所

在福清縣東南一百二十餘里明洪武二十年置千戶所築城周五百二十五丈門

三本朝康熙五年裁所定海舊所在連江縣東北八十里明洪武二十年置千戶所築

城周三里有奇門三本朝康熙三年裁所五縣寨在侯官縣西北九十里舊屬懷安以其地

接閩縣侯官古田閩清五縣交界故名有巡司
元至元三年置本朝雍正十二年移駐南嶼金

牌寨

在閩縣東又圓山寨崇新寨登高寨及塘頭
中洲礮城羅星塔舊皆有民城明嘉靖間為

備倭築

本朝康熙五十鎮東寨

在福清縣東二

六年總督覺羅滿保修葺

鎮東寨在福清縣東二

十年置鎮東街築城周八百八十餘丈門四
本朝康熙三年裁衛改為寨有遊擊駐防小埕

寨

在連江縣東一百二十里海中明初置籌海寨
小埕北連烽火南接日南連江為福郡之門戶

而小埕又連江之門戶也

南灣寨

在羅源縣東北五十里舊有
巡司元初置於蘆山後徙於

此明初廢

大田驛

在閩縣南七十里
舊有驛丞今裁

芋原驛

在侯官縣
西北三十

里白沙驛

在侯官縣西北八十
里舊有驛丞今裁

三山驛

在侯官縣
西南中街

鋪西抵半原
南抵大田

宏路驛

在福清縣西三十里北去閩縣之大田驛六十里舊有驛

丞今裁

蒜嶺驛

在福清縣西南六十里二驛俱明洪武年置舊有驛丞今裁

黃田

驛

在古田縣西南八十里南至水口驛五十里水北至延平府倉峽鎮四十里舊有驛丞今裁

口驛

在古田縣南九十里即水口鎮舊有驛丞今裁



欽定大清一統志卷三百二十五

欽定四庫全書

史部

欽定大清一統志卷三百二十六

七六

御史_臣徐如澍覆勘

總校官檢討_臣何思鈞

欽定四庫全書

欽定大清一統志卷之二十六

福州府二

津梁去思橋

在閩縣城中東門舊名澳橋宋郡守謝泌甃石重建後人思之故名又有橫嶼

斗門二橋在縣東為閩萬壽橋在閩縣南跨南臺及連江二縣水利所關江上元大德七年

建石梁長三百餘里水門三十九翼以石欄南北構亭俗名大橋中洲橋在閩縣萬壽橋

之南又名江南橋乾隆十六年因舊址甃石為梁長四百四十尺廣三十八尺邑人何際逯等修巡

撫潘思樂為之記洪山橋在侯官橋西洪塘舖口明成化本朝康熙二十五年重

修長一百二十三丈水門三十有四蓋橋十四門

屋九十三間府境橋梁洪山與萬壽為巨

橋在侯官縣西南超山

錦橋

在長樂縣東南宋淳熙十二年建石梁十

下醜水為十四道

太平橋

在長樂縣東一

五間長五十四丈上接元祐港下

通漳港其石欄鏡文如錦故名

名觀音橋明隆慶五年重修

龍江橋在福清縣東南十五里宋

龍首橋

在福清縣東南

餘大為梁四十有二初名螺江橋

後更名永平橋紹興中又改今名

明萬厯三十五年交溪橋在福清縣西跨交溪長建長五十五丈

改名光賢橋

在福清縣之蒜嶺跨東溪之登龍上木朝乾隆十六年重修

通濟橋在連江縣南跨鰲江累石為梁凡一十六間長五十六丈有奇俗呼為江南橋

安利橋

在連

江縣西南宋建為梁十九長長興橋在羅源縣之
六十一大初名惠政橋後改

靖間建後萬安橋在古田縣東跨東溪構丁字橋
圯今復建亭其上四十七間今圯

在古田縣東北六十里地名重峯宋建王帶橋在
二水合流一縱一橫形如丁字故名屏

南縣治南有龍津橋在閩清縣東宋建元至
王帶河故名正十年重建覆以亭
樟鎮

橋在永福縣東
大樟溪口

堤堰海堤在閩縣東五里新唐書志太和三年令李
葦築先是每六月潮水鹹鹵禾苗多死堤

咸湖植稻其地西湖堤在府西南三里福州府
志因湖八里有餘為堤

三百戶皆為良田
一千三百六十二大五寸乾隆十三年總
督喀爾吉善巡撫潘思榘興工疏濬為隄長樂海

堤

在長樂縣東十里新唐書志太和七年令李萇築立于斗門以禦潮旱則潄水雨則洩水遂成

良

綿亭洋堤

在福清縣西南自雙髻山至鷓鴣峯下宋祥符元年僧惟真截溪十八派

築

田八百十大溉田四十餘頃又白麟淋汶堰在

蟹

嶼二洋皆在涇江金山邊長千餘丈

官

西長二百餘丈明萬厯間築本朝康大塘在

熙

五十九年溪漲衝決雍正六年重修築大塘長

樂

縣西南長三千七百丈從二斗門達海旱則潄

潦

則洩又縣南有丁塘長七百丈前曾增長二百

丈

普塘在長樂縣東南長一千五百丈堤長三洋

塘

在長樂縣東長一千二百丈以蓄清禦鹹大為

民

利又有西洋塘長九百五十大舊志二塘即

今

所謂白芒坑也相近又有舊塘

西

抵海捍長一千一百二十丈問山塘一名旅

山

塘在

長樂縣東長三千餘步明洪武中典史黃本築陂
陳塘港水以溉田又海路塘長一千五百餘丈東

至小嶼山南至沙京斗門宋
時築以障海潮明初重修
瑞雲陂 在侯官縣保
安里長一百

十大濶三元符陂 在福清縣西南唐天寶間置名
尺深二尺元符陂 天寶陂宋祥符中重修元符中

知縣莊柔正銘銅計以固其
基名元符陂圳長七百餘丈
祥符陂 在福清縣東
南並江一名

石塘坡宋祥符中知
縣郎簡築長五里
蘇溪陂 在福清縣西南宋天
聖中築溉田千餘頃

派別為蓮南莊潭壩 在羅源縣西南半里引羅川
塘十六頃南莊潭壩 水溉田二千餘畝又蔣坑壩

在縣西北半里引水
溉縣北田百餘頃

陵墓漢閩越王無諸墓

在閩縣南二里嘉崇里祖
廟亭後有廟在南臺山
閩

越王郢墓

在閩縣東
遂勝里

東越王餘善墓

在侯官縣西
舊懷安縣寧

墓大妃小妃墓

在永福縣東南五十里
案宇記昔越王葬二妃於此鑄鐵蓋以掩之

唐常袞墓

在永福縣葛嶺通志袞卒于官子遂宰
永福卜居連江葬袞于此本朝雍正

七年林慎思墓

在長樂縣東十
四都大墓山

陳巖墓

在閩縣北
通志在府

城北關外太平里歲久湮沒本朝康熙四十三年土人掘地得參軍黃璞所撰巖墓銘石移置府學中五十年里人修復巖墓納銘於塚構山亭其旁按五代史閩世家光啓二年福建觀察使陳巖表王潮泉州刺史景福元年巖卒其壻范暉自稱留後則巖之墓當在景福乾寧間也

閩王王審知墓

在侯官縣北蓮花峯下通志明宣
德四年為盜所發萬曆三十五年

喬孫苑馬師
海王亮重修

宋劉彞墓

在閩縣東北山薯坑

許將墓

在閩縣東

北湯門外澗田

陳祥道墓

在閩清縣東北賀恩里白雲寺東

鄭俠墓

在福清縣

西南新豐里水南山

李綱墓

在侯官縣西北沙溪山

朱倬墓

在侯官縣賢沙山

李彌遜墓

在連江縣南新安里

林之奇墓

在侯官西一都清泉山本朝雍

正八年修

林公遇墓

在福清縣西南清遠里翁陂山

黃洽墓

在侯官縣靈光山

教陶孫墓

在福清縣東東臯山

張碯墓

在羅源縣西重下里鳳山寺後

林擇

之墓

在古田縣北屏山

黃榦墓

在侯官縣北長箕山

劉砥墓

在福清縣西修

仁里應乾寺後

劉礪墓

在連江縣寶林寺東

趙以夫墓

在長樂縣東十步

鄭

性之墓

在長樂縣南八都阮山

趙汝騰墓

在古田縣西二都半坑壠

楊

宏中墓

在閩縣厚山

高應松墓

在長樂縣泉元里

元王翰墓

在永

福縣龍泉山

明葉福墓

在侯官縣前園山

高棟墓

在長樂縣半占山

馬

鐸墓

在長樂縣東北

李騏墓

在長樂縣北南沙京龍窟山

古麻

刺國王墓

在侯官縣茶園山通志名永樂間國王八貢以疾卒賜諡康靖葬於此

羅

泰墓

在閩縣瑞峯山

林瀚墓

在侯官縣北龍腰山子廷楫墓在閩縣樟樹山廷機墓在

侯官縣沙溪山孫燦墓在侯官縣芋原山煙墓在閩縣永南里

鄭善夫墓

在侯官縣西五

里梅亭山

本朝康熙三年知府吳六一重修

林春澤墓

在侯官縣錦溪山

林公

黼墓

在長樂縣東南

葉向高墓

在福清縣西北臺嶺山

祠廟閩越王廟

在閩縣釣龍臺西祀漢閩越王駒無諸

常公祠

在府學祀唐觀

察使常衮唐書閩人春秋配享衮於學宮

剛顯廟

在侯官縣烏石山巔祀唐處士周朴

昭

利墓

在侯官縣越王山麓祀唐觀察使陳麓

閩忠懿王廟

在閩縣東慶城寺之

側祀王審知廟即其故宅通志歷代以迎春日郡守遣祭取其碑下土為春牛

劉鞠二公

祠

在連江縣東東河壩上祀唐縣令劉遠宋縣令鞠仲謀

靈應廟

在古田縣西北祀宋

令李堪

古靈祠

在侯官縣萬壽巷祀宋陳襄本朝雍正八年重修

曾公祠

在閩

縣九仙上麓祀宋太守曹鞏

一拂先生祠

在福清縣西祀宋鄭俠初名忠愛祠道

南祠

在侯官縣光祿坊祀宋儒楊時

李忠定祠

在侯官縣西門外祀宋李綱

李

延平祠

一在侯官縣楊橋舖一在古田縣南門祀宋李侗

朱子祠

一在府城南天

皇嶺一在道山麓曰先賢石室一在冶山東曰文筆書院一在城西門外曰西湖書院一在玉井巷

一在共學書院一在合北里林文昭祠在侯官縣三山驛南祀宋儒林之奇

八年重修本朝雍正黃勉齋祠在府學射圃之左祀宋儒黃榦又貢院南有道原祠

幹與林之奇並祀劉氏諸賢祠在閩縣鳳岡明永樂中建祀宋儒劉彝劉康夫劉藻

康熙十六年修葺本朝忠烈祠在福清縣東門外康熙十六年修葺忠烈祠在福清縣東門外熊公

祠在古田縣坊三保祀崇報祠在閩縣九仙山祀明巡撫林廷玉副

使高崇德祠

在古田縣坊三保祀明參議魏榮

世忠祠

在閩縣治東祀明林

漸及子廷楫廷機孫燦煙

戚公祠

在福清縣西門內祀明戚繼光一在縣東龍江書院之左

范忠貞公祠

在侯官縣道山麓康熙十八年建祀殉難總督范承謨三十四年

賜忠貞炳日扁額

仁王龍光沈天成及其弟承譜配祀

寺觀開元寺

在閩縣芝山南梁太清二年建靈山寺唐初改名龍興開元中改今名本朝

順治十四年重建康熙三十八年賜額湧泉寺

在閩縣東鼓山唐建中時創建本朝康

熙四十九年賜額鳳池亭

在侯官縣鳳池山漢乾祐中建通志宋陳瓘被赦後蒙恩自便

嘗居馬靈石寺

在福清縣靈石山唐宣宗賜靈石俱胝院額明統志中有朱熹所書蒼霞

亭 黃蘗寺

在福清縣西南
唐貞元初建

瑞峯寺

在福清縣海口
城東北龍山之

巖宋皇祐中

石門寺

在連江縣覆盆山
下唐中和間建

聖水寺

在羅源縣蓮花

山下宋紹興中建有仙源泉玉壺井棲雲洞諸勝

秀峯寺

在古田縣四十都漢乾祐中興

寶興寺

在屏南縣後唐長興中建

方廣寺

在永福縣方廣巖下石室可容千人漢乾

祐二年建後燬明永樂十四年明永通志宋黃飛熊讀書其中嘗樵山中十奇刻詩於石明謝肇淞

有方九仙觀

在閩縣九仙山之巔宋崇寧中建天寧萬壽宮元至正初改名本朝

順治中再建

沖虛宮

在侯官縣通志唐貞元中李若初嘗發城西望有五色雲當王霸宅

遂作沖虛宮祀霸及徐登董奉任敦四仙本朝康熙二十一年重修

芹山觀

在閩清縣

鍾南山左通志舊

傳白玉蟾煉丹處

名宦晉嚴高

瑯琊人太康三年為晉安太守時初置郡城隘不足容眾遂改築子城又鑿渠

通舟楫濟東西湖以溉田

南北朝宋虞愿

餘姚人為晉安太守前政與百姓交

關實錄其兒婦愿遣人於道奪取將還立學

堂教授海邊有越王石嘗隱雲霧相傳太守清廉

乃見愿往觀梁江蒨考城人天監中為晉安內

清徽無隱蔽史蒞政精明務在寬惠范

績舞陰人武帝時為晉安太守劉融武帝時為晉安

名臧厥東莞人為晉安太守郡居山海嘗結聚逋

逃前二十石討捕不能止厥下車宣化凶

黨負襁而出自羊侃泰山人大通六年為晉安太

是居人復業

羊侃

守閩越俗好辭前後太守莫

能止息侃至討擊斬其渠魁
於是郡內肅清莫敢犯者
隋劉宏
彭城人開皇中拜泉州刺史

史會高智慧作亂以兵攻州宏守城百餘日救兵
不至前後出戰死亡大半糧盡與士卒數百人煮

犀角腰帶又剥樹皮食之賊知其饑餓欲降之宏
抗節彌厲城陷為賊所害帝聞而嗟嘆賜物二千

段
楊景祥
場帝時為建安太守賊鄭
文雅等陷城景祥死之
唐李茸
太和三年

閩令築海堤以禦潮時潮水鹹鹵禾苗多死
堤成潯溪水植稻其地三百戶皆為良田
劉達

咸通初為連江令常奏
復東湖水利民廟祀之
宋鞠仲謀
端拱二年知連江大興東湖水

利邑人與
謝泌
歛人景德初徙知福州代還
民懷其愛刻石以紀去思
郎簡

臨安人大中祥符間徙福清令縣有石塘陂歲久
湮塞募民浚築溉廢田百餘頃邑人為立生祠

章頻

蒲城人真宗時知福州王氏時賦民官田歲輸祖稅而已至是或謂驚之可得餘錢二十

餘萬頻疏

王臻

汝陰人真宗時徙知福州閩俗欲報讎或先食野葛而後趨讎家求

以爲不可

聞即死其處以誣讎人臻察格闕狀狀被誣者往往釋去俗爲之少變又民間數以大訛相驚悉捕

首惡杖之流

蔡襄

仙遊人仁宗時再知福州疏導海上民乃定

烈陳襄鄭穆以行義者襄備禮招賢誨諸生以經學俗重山儀親亡或秘不舉至破產飯僧下令禁

止吳及

靜海人年十七以進士起家爲侯官尉閩俗自多毒死以誣讎家官司莫能辨及悉

爲讞正前後活五十三人提點刑獄移其法於一路

程師孟

吳人熙寧初知福州築子城建

學舍治行爲東南最民立生祠

曾鞏

南豐人熙寧末知福州將樂盜廖思既赦罪出降餘衆潰

復合居人惴恐輩以計羅致之繼自歸者三百輩又擒海盜數十人境內盜息福州無職田歲鬻園蔬收其直常三四十萬輩曰太守與民爭利可乎罷之後至者亦不復取也

孫覺

高郵人元

豐初知福州閩俗厚於婚喪其費無藝覺裁為中法使資裝無得過百千令下嫁娶以百數葬埋之費亦率

袁正

規陵陽人元祐中知福州嘗濟港減什五

徐

壽

哲宗時為閩清縣尹鹽法初行能守官不撓民以故不多受課吏部郎中張汝賢言於朝加賞

馬

莊柔正

莆田人元符間知福清有才畧嘗改築天寶陂聽訟陂旁樹下令投牒者人負

一石理屈者以石為罰不數月陂成陂

張守

晉陵人建

石皆銘鐵錮之名曰元符陂為後世利

炎中知福州州自范汝為之亂公私困敝守在鎮四年撫綏凋瘵且請於朝蠲除福州所貸常平緡

錢十 薛弼 永嘉人福州盜熾守臣莫將議委漳泉
五萬 汀建乃易鄉至郡奏周虎臣為副將陳

敏為巡檢責以滅 張致遠 沙縣人朝廷以海寇鄭
賊凡四年而盜平 廣未平改知海州紹興

六年廣降致遠選留四百人置營城外餘 顏師魯
遣還業復遣廣討他郡諸盜數月悉平

龍溪人紹興中知福清縣嘗決水利清滯訟聞陂洫
綿四十里歲大稔發廩勸分有方而不過糴價船

粟畢湊市 汪應辰 玉山人孝宗初知福州未幾
糴更平 升敷文閣待制舉朱熹自代 趙

子滿 孝宗時知福州歲饑告糴 梁克家 晉江人淳
旁郡米價頓平民賴以濟 熙中以資

政殿大學士知福 陳傅良 瑞安人孝宗時通判福
州在政有治績 州丞相梁克家領帥事

委成於傅良傅良平一府 劉鑰 建陽人孝宗時知
曲直強禦者不得售其私 閩縣治以清簡庭

無滯訟興利去
害知無不為
傅伯成
孝宗時知連江縣東湖溉田二千餘頃堤壞即下流

南港為石堤三
百丈民蒙其利
趙汝愚
餘千人光宗時進敷文閣學士知福州復開城西湖北

以溉民田
陳居仁
興化人寧宗時知福州入境有至今利焉
饑民嘯聚部分牙兵遮擊之首

惡計窮自擊死治宗室
黃度
新昌人嘉定中知福州之橫暴申蠱毒之嚴禁
州始至訟牒日千餘

度隨事裁決
真德秀
浦城人理宗時知福州罷市日未中而畢
令司革閩縣吏正苦督賦屬

縣苦貴糴便宜發常平倉賑之海寇縱橫
次第擒珍聘耆儒臨講席以教郡之子弟
王邁
仙遊人為南外睦宗院教授真德秀

方守福州邁竭忠以裨郡政
游義肅
建陽人嘉熙間知連

江縣復東湖浚九井
洪天錫
晉江人理宗時知古創造平糴倉以利民
田縣行鄉飲酒禮邑

劇牒訴猥多天錫判決無留難有杜杲邵武人福

倚王邱勢殺人者誅之不少貸建提刑司

獄陳彭壽檄攝閩尉民有甲之子死誣乙殺之驗

髮中得沙而甲舍旁有池沙類髮中者鞫問子果

溺陳宜中永嘉人景定中知元董楨至順中尹閩

兼至為政六年劉濬河南人由廉訪司書吏調連

流亡多歸之江縣巡檢江西賊王善攻破

福州衆皆潰去濬獨與其子健帥兵突其陣屢捷

斬前鋒五人賊兵大至鏖戰三時頃濬中箭墜馬

健下馬掖之俱被獲濬忿戟手大罵賊縛濬階下

先斫一指罵益厲再斫一指亦如之指且盡斫兩

腕次及兩足濬不少變罵聲猶不絕口賊割其喉

舌而死嗣建歸結壯士百餘人入賊營斬殺父者

并擒王善等事呂復僑寓福州以行省命攝長樂

上立祠祀之縣尹福州既下復曰吾世食

君祿今雖攝官若不以死報國無明鄭復初開封人

武四年知羅源縣大兵勦山寇復初遂慮擄者遣戮親詣軍中辨釋無辜後定復撫其民招使復業

趙允潮陽人洪武中長樂丞縣十一都海齊普天

人宣德間知長樂縣事親以黃瑜香山人景泰中

孝聞躬修率下不嚴而治知長樂縣改建學校進諸生討論有兄弟相訟者開導之皆涕泣相讓而退以直道忤上官浩然求去民立祠祀焉

唐珣華亭人成化間知福州增置書院創迎春亭於東臯以省耕斂江湖可田者令民墾之築

塘於五虎山下以捍海潮均倉城監司徭役於七郡置義倉設叢冢凡便民之事無不力為之潘

府上虞人孝宗時知長樂縣縣多浮屠官府取為書院聚書講學教民遵行朱子家禮明周行郊

野勞問疾苦田夫野老歐陽鐸泰和人正德末知福州府數裁鎮守

咸得獻其誠境內大治貴橫需中貴高春怒至攘臂肆詈鐸不為動會

議里役以諸貴家多產請得與民分役民因為蘇

嘉靖三年唐相灌陽人正德中連江典史明於折

以卓異閩崇陽人嘉靖三年知福州值歲大祲疏

劉汪文盛乞蠲租發廩復四鄉社倉倣朱熹備荒

鞠法行之為郡興水利開上王閔溶福州左衛指揮

舊港塞新河權田四千餘頃閩溶使嘉靖末倭寇

閩溶率兵禦之前後斬首千葉經上虞人嘉靖間

級後與賊戰舟山力不敵死汪泗論休寧人萬厯

臺諫尤尚名節為宵小所憚汪泗論中以進士知

福清興除利弊定倉糧折色之例歲省編戶

金錢以萬計尤加意振興文教士皆悅服

周順

昌

吳縣人萬歷末福州推官稅監高家橫甚獨不為禮又捕置其下之作奸者民賴以蘇崇禎初

贈太常寺卿

諡忠介

夏允彝華亭人崇禎中知長樂縣視民若子善決疑獄居五年邑大治

胡上琛

世為福州右衛指揮崇禎中襲職明亡謂家人曰吾世臣也不可苟活妾劉氏願同

死遂共飲藥而死

本朝翁曰

署永福篆順治丙戌山寇陷城不屈城

周景福

蘇州人知永福縣順

治丁亥賊陷城不屈絕食死

楊繼生

閩州人順治間知連江縣丙申寇陷縣繼生繼死城

棲妻同

李岱生

高密人康熙初知長樂縣潔已愛民時邊界議起瀕海人戶應調遠

者有種無地有種無地多逃散

王之儀

廣寧人康熙中知福

申請豁浮賦廣招徠民感其德

州耿逆之亂發起倉卒人人震懼之儀獨奮呼曰賊敢反耶語未絕刀戟交下立斃長子琅妻張氏

亦皆自殺廖有功福州千總耿逆發亂總督范承謨被執有功大呼奮救手刃十餘人躍馬

至通衢逆兵劉嘉猷金谿人康熙中知侯官縣忠信慈惠有古循良風及閩變

被殺吳廷華仁和人康熙中由中書舍人出任福州海防同知所至以經學飾吏治值臺灣

諸羅奸民揭竿事起倉猝令弁束手廷華按形勢糾兵民分督殲其魁民以安集所著有三禮疑義

閩人士奉為圭臬

人物唐侯固

字子重閩縣人太和九年及第官至郎坊靈武易定節度使同平章事固操履

仁厚言動皆有規鄭誠字中虞閩縣人會昌進士準鄉人愛而敬之累官國子司業鄧安鄧三

州刺史誠與同邑林滋詹林慎思字虎中長樂人

雄並有名時號閩中三絕咸通進士自校

書郎至水部郎中僖宗時與宦官燕嬉慎思累疏切諫不納出為萬年令黃巢入長安迫以偽秩慎

思不屈張謹字信矣閩縣人累官福建招討使黃

罵賊死巢亂寇閩中謹與戰於鐵山多所斬

獲賊以奇兵絕餉道士卒乏食被困謹與偏將鄧榮等十八人馳突賊陣自旦至晡十八人俱死謹

握刀箕踞瞠目黃碣閩縣人初為閩小將喜學問

大罵為賊所害董昌為威勝軍節度使表碣

自副昌反碣諫曰大王不盡忠王朝妄自尊大誅滅無種矣昌大怒斬碣滅其家昌敗詔贈司徒

五代黃岳

福州人博通經典尤邃易象歷數之學唐末由鄉貢入太學王審知稱王必欲

仕之岳度力不能拒自投宋黃夷簡字明學福州人少孤好學

於洲邦人為立祠祀其地

有學江東隨錢俶來朝掌名表人
謝德權
字士衡福州人

稱得體祥符中特授檢校秘書監

父文節南唐時以驍勇聞拒宋師戰歿咸平中德

權提點京城倉草場有兇人劉奕僧澄雅訟執政

真宗命德權與泌等鞠之按驗無狀泌謂追攝此

大臣獄狀乃具德權曰若使大臣無罪受辱則人

君何以使臣臣下何以事君事乃解命城新樂縣

人命浚北平若濠葦蒲陰城提轄三司衛司德權

為設條制
劉若虛
字叔揚閬縣人咸平進士以大

均其差役
字叔揚閬縣人咸平進士以大

軍卒若虛事親孝親有疾不食酒肉居親側雖大

暑必嚴衣冠丁謂為相聞若虛名欲屈見之終辭

不
林槩
字端文福清人父高太常博士有治行槩

往
幼警悟景祐元年進士為校書郎程琳槩

蜀人不得自為渠堰槩奏罷之又言蜀饑願罷川

士著史論

陳襄

字述古侯官人慶厯進士少與陳烈周希孟鄭穆為友相與倡道海

濱襄為侍御史論青苗法不便望昭斥王安石呂

忠卿以謝天下又乞罷韓絳政府韓維不當為中

丞劉述范純仁無罪宜復官皆不聽尋直學士院

在經筵時神宗嘗訪人才之可用者襄以司馬光

韓維呂公著蘇仲范純仁

陳烈

字季慈侯官人篤於孝友學行端飭

蘇軾至鄭俠三十三人對

里中人敬之冠婚喪祭請而後行

劉彝

字執中福州人幼從

仁宗屢詔不起公卿交章薦其友

胡瑗學瑗稱其善治水神宗時為都水丞久雨汴

漲彝請啓楊橋斗門水遂退著七經中義百七十

卷明善集三十卷

王回

字深父侯官人敦行孝友不求名譽在廷多薦者與

居陽集三十卷

常秩友善熙寧中秩上其文集請其子汾為鄭穆

郊社齋郎回弟向字子直作公默先生傳

字閑中侯官人皇祐進士性好學容止必以禮與陳襄陳烈周希孟友號四先生元祐初拜國子祭

酒請老空學出祖行

林旦

字次中蔡之子嘉祐進士熙寧中為監察御史

東門外都人聚觀

裏行以論李定事罷元祐初拜侍御史論呂惠卿鄧綰及崔台符賈種民之罪皆逐之子膚坐元符

上書陷

許將

字冲元閩縣人嘉祐八年舉進士第黨籍一紹聖初為吏部尚書章惇蔡卞奏

發司馬光墓將曰發人之墓非

張翥

字柔直侯官人蔡京當國

盛德事乃止累拜門下侍郎

求訓子弟者或以翥薦翥謂諸生曰汝曹學走乎諸生駭問翥曰天下被而翁破壞賊來先至其家

惟善走庶可逃死耳京見翥問計翥以羅天下忠義之士分布內外為第一義以楊時薦翥後累官

秘閣修撰

陳暘

字晉之閩清人徽宗初進過衡集以勸導紹述趙挺之言暘所著樂

廟食邵武

書貫串明備乞援其兄祥道進禮書故事給札既上遷太常丞為講議司叅祥禮樂官祥道字用之官秘書省正字著

劉詵

字應伯福清人熙寧進士崇寧初上歷代雅樂因革

及宋制作之音言宋大德音上徵臣按古制旋十二宮以七聲德正徵一調徽宗是其言歷官太常少卿纂續因革禮說居母喪盡
鄭俠字介夫福清禮有雙芝生墓側人以為孝感
鄭俠字介夫福清數以書言今之為民害者如王安石久之監安石上門流民攜塞道身無完衣被鎖械負瓦揭木賣以償賦俠知安石不可諫悉繪所見為圖奏疏詣閣門不納乃假稱密急發馬遞上之銀臺司安石去呂惠卿執政俠又上言論之惠卿議置之死帝曰俠所言非為身也豈宜深罪徙英州哲宗立始得歸徽宗時遷故
辛炳字如晦侯官人元符進士官又為蔡京所奪
辛炳權侍御史蔡京改轉盤倉

為直達網炳極疏其弊高宗朝劾罷李頤浩又論張浚敗事誤國進中丞言和議不可恃宜講求守

禦攻戰

黃龜年

字德劬永福人崇寧進士累官侍御史劾秦檜專主和議植黨專權

並劾檜黨王曠等皆罷之

朱廷傑

字世英永福人崇寧進人建炎

中為北海令尋攝倖時金兵來犯官屬悉適廷傑獨堅守城隅有水取野葛投之多中毒死餓金兵

破城廷傑與知州韓浩力戰死

朱倬

字漢章閩縣人宣和進士高宗以劉豫為憂倬因賜對策

其必敗屢忤秦檜復遷中丞奏疏數十進叅知政事史浩虞允文陳俊卿等皆倬所薦

黃祖舜

字繼道福清人宣和進士紹興中權刑部侍郎進論語講義兼給事中楊愿家乞遺表恩祖舜

言愿陰濟秦檜寢其命秦熈卒贈太傅祖舜奏追擊奪之

林之奇

字少穎侯官人從呂本中

學結興中登第為校書郎朝廷欲令學者參用王安石三經義之奇言王氏三經率為新法地正所謂邪說故行淫辭之不可訓者金兵欲南下之奇作書抵當路以為金非果欲戰所以堅吾和欲與之和宜無憚於戰則其權在我東萊呂祖謙嘗受學焉有書春秋周禮說論孟楊子講義道山紀聞世黃洽字德潤侯官人孝宗時為御史所論列未洽罄竭無所避洽嘗言居家不欺親仕不欺君仰不欺天俯不欺人不欺鬼神何用求福報有文集奏議八

鄭湜

字溥之閩縣人乾道進士慶元中任起居郎權直學士院趙汝愚罷

相湜草制有持危定傾任忠竭節語韓侂胄以其無貶詞惡之出知福州後為刑部侍郎入偽學黨

徐範

字彞父侯官人少孤校徒養母寧宗間與兄同舉於鄉丞相趙汝愚去相祭酒李祥博士

楊簡論救之俱被斥遂與同舍生叩閣上書書奏
送五百里編管範謫臨海遠國子監主簿入對言

願懲既往之失廢無用之

楊宏中

字克甫侯官人
弱冠補國子生

文一意養民以培國本

趙汝愚竄永州宏中與諸生林仲麟徐範張衡蔣
傅周端朝五人上書不報則繳副封於臺諫侍從
韓侂胄將竄之嶺南余端禮丐免逮徙上許之乃
送太平府編管天下號為六君子宏中以余榮等
薦遷太學正正夏早上封事指切無隱時論益壯
之人有華岳字子西為武學生韓侂胄當國將有
事北征岳上書論之侂胄誅為殿前司官屬謀去
丞相史彌遠下臨安獄寧宗欲生之彌遠曰是欲
殺臣者竟
秋死東市
陳貴誼
字正甫福清人慶元進士累官
太學博士時議更楮幣貴誼援
熙寧新法為詠理宗時遷中書舍人內侍濫受恩
賞輒封還詔書拜叅知政事出師汴洛貴誼已疾

病猶上疏力爭許應龍字恭甫閩縣人嘉定間為太學博

士李全時青輩歸附應龍入對有莽蜂是懲養虎貽患之說後如其言累官遷陳韓

書樞密應龍不激不隨治湖之正最為可紀陳韓

字子華侯官人父孔碩為朱熹呂祖謙門人韓與弟張從業適學為制司幹辦公事劉瑋用韓策遂

有堂門之捷紹興初盜起閩中以韓為招捕使汀境皆平再平衛寇又破竊寇陳三槍斬之累拜叅

知政事張礪字渭老羅源人嘉定進士淳祐四年史

言之會臺臣共論其事遂寢後萬之終禪謀復入礪時為大司成率同列言之甚切復格不行由此

名動天下鄭性之字信之初名自誠侯官人嘉定元年進士第一臨平初為吏部侍郎請開

言路以通壅蔽性之立朝唐璘字伯玉古田人嘉無所依附累拜叅知政事唐璘字伯玉古田人嘉

疏論鄭清之妄庸誤國及請號召土豪經理荆襄
急擇帥臣安集淮西居母喪哀毀不食久之遂卒

璘立臺僅百日

黃幹

字直卿閬縣人父珣高宗時
為監察御史以篤行直道著

世謂唐介再見

聞幹受業朱熹熹曰直卿志堅思苦與之處甚有
益遂以其子妻幹丁母憂學者從之講學於墓廬

甚衆熹卒持心喪三年理宗召赴行在所奏事除
大理丞不拜為御史李楠所劾遂歸里弟子曰甚

編理著書日不暇給朝夕往來質疑請益如

熹時特授承議郎致仕有經解文集行世

黃師

雍字子敬福州人寶慶進士少從黃幹學恥出史

彌遠門不往見之為監察御史首疏劾金淵扶

史嵩之終喪正言李昂英殿中侍郎史璋瑛共疏

乞竄斥之師雍亦上疏論列又乞籍嵩之家隸張

叔儀皆從之

潘枋

字庭堅閬縣人端平二年策進
士枋對陛下承休上帝畀德匹

夫何異為人子孫身荷父母劬勞之賜乃指豪奴悍婢為恩私之地曰食應詔上封事曰熙寧初元日食詔郡縣掩格故王一杯殘土常挺字方叔連其為暴骸亦大矣請以王禮改葬江人嘉熙進士為御史言邊閫三事辟實才奏實功招實兵朝廷二事選良吏擢正人進拜參政趙汝

騰字茂實宗室子居福州理宗時授秘書郎輪對言節用先自乘輿宮掖始召為禮部尚書言前

後奸諛之臣何益於陛下而深戕於國脈則陛下私惠羣小臣何益於陛下而深戕於國脈則陛下私惠羣小之心可林琦閩縣人德祐二年元兵迫臨安琦於以息矣林琦緒山結集忠義數千人捍禦海道以功補宣教郎文天祥開府南劍琦佐其幕林空齋及潮州移屯琦俱被執至建康以憂憤死林空齋失其名永福人解官居家益王立張世傑圍泉州乃率鄉人即其家開忠義局起義兵復永福縣時

王積翁以福安送款世傑實蜜約北兵至屠永福
空齋盛服坐堂上嚙指血書壁云生為忠義臣死

為忠義鬼能元林興祖字宗趙羅源人至治間進
見執不屈死士知鉛山州誅州豪吳友

文州中稱治擢道州路總管峒猺明林鴻字子羽
叛聞興祖至憚其威名不敢犯福清人

洪武時以人才薦至京師太祖臨軒試龍池孤雁
二首稱奇名勳長安歷官膳部員外郎與閩縣周

元鄭定侯官王元王褒唐泰長樂高棟連楹古田
王恭陳亮永福王偁號閩中十才子人建

文中官御史京師陷叩馬欲林英字章叔古田人
犯成祖被殺尸正立不仆洪武末以貢為

監察御史建文四年燕兵入抗葉福字叔疇閩縣
節不屈被誅福王時追謚毅節人建文中進

士為刑科給事中燕兵至高棟字彥恢長樂人博
福守金川門及城陷死之學善屬文永樂中

歷官典籍所輯唐詩品

黃澤

字數仲閩縣人永樂進士官河南左叅政

景唐詩正聲行於世
拾謫南陽饑民無失所者宣

馬鐸

字彥聲長樂人永樂進士博通

德初上疏陳十事皆闕政體
經史仁宗嘗謂楊士奇曰馬鐸可謂質實無

王善

二每翰林學士國子祭酒缺嘗命鐸攝之
字師舜侯官人永樂進士為刑部主事決獄平恕

有誣其受賄者成祖因善入朝留之遣使檢其邸
惟賜鈔半錠歎曰廉吏也擢郎中

薩琦

字廷珪先西域人後

宣德時為雲南叅政以廉惠聞
著籍閩縣宣德中舉進士選庶吉士預修仁宗實

陳煒

字文耀閩縣人天順中官御史廷劾錦衣帥
錄歷官禮部侍郎有文學為人狷介持正不苟合

門達竊弄威福上寔於法中外稱快歷官山
西浙江姚詵字孟聲侯官人永樂進士正統初用

布政使姚詵大臣薦任都給事中己巳北狩詵扈

駕趙榮

字孟仁閩縣人爲中書舍人英宗北狩額森兵屯德勝門朝議遣使榮獨請行景泰

元年復與都御史楊善往迎英宗天

林錦

字彥章連江人

順中進尚書額森舊作也先改正

景泰中廣寇充斥巡撫葉盛檄錦署靈山縣事賊

不敢逼成化初試廉州知府進副使皆有政績錦

前後雖在兵間而以修學校

黃鎬

字叔高侯官人正統進士以御

史按貴州時羣苗叛圍鎬於平越鎬固守九月城

卒全成化時爲南京戶部尚書卒贈太子少保謚

襄高瑤

字廷堅閩縣人由鄉舉爲荆門州學訓導成化三年陳十事其一言鄭王宜追加廟

號盡親親之恩帝感其言久之

謝士元

字仲仁長樂人景泰

竟復帝號後知番禺有異政

進士歷建昌知府治行稱最宏治初累官右副都御史巡撫四川士元性孝友家居行義甚備治官

治如其家遇事不
林瀚
字亨大閩縣人父元美永
樂進士歷撫州知州有惠

顧利害為達其志
政瀚舉成化初進士入翰林屢遷禮部右侍郎掌

國子監事教士嚴而有恩力拒請謁以次營立署

舍師儒獲僦居再遷南京吏部尚書以災異率羣

僚陳十二事正德初復陳養正心崇正道務正學

親正人四事已又率羣僚條列時政十二就改兵

部數裁抑內臣劉瑾銜之謫叅政瑾誅復官卒贈

太子太保謚文安子廷梈廷機廷梈子炫廷機子

煥煥皆舉進士廷梈工部尚書贈少保謚康懿廷

機入翰林歷南京國子祭酒終南京吏部尚書孝

友嫺睦為士類所宗贈太子太保謚文僖炫仕至

通政叅議煥亦入翰林歷國子祭酒南京禮部尚

書文學行誼不愧祖父贈太子太保謚文恪明世

三世皆為酒祭並謚文林氏一家而已煥**林世勤**

亦至南京工部尚書恬淡負素不墜家聲

嫌子性篤孝父卒枕塊三年哀毀骨立侍母黃氏
不離側有靈芝三見枯篁復青禾兩岐瓜雙蒂之
異御史上**林泮**字用養閩縣人成化進士應廣州
其事被旌**林泮**知有平蠻功正德時屢遷南京戶
部尚書劉瑾惡其不附己未出都遂令致仕泮居
官廉歸無第宅常寓止僧寺及卒不能殮有司為
庀喪具天啓**許天錫**字啟衷閩縣人宏治進士歷
初追謚恭靖**許天錫**吏科給事中大同失事奉詔
往核上巡撫洪漢等敗衄掩覆狀又因天變疏請
京官五品以下六年考察堂上官悉令自考遂著
為令正德時因清覈內庫得劉瑾侵匿**林公黻**字
數十事將奏聞瑾怒夜中遣人緝殺之**林公黻**質
夫長樂人正德進士官大理評士時帝下詔南巡
諸臣諫者皆罰跪闕前禍且不測公黻偕同官懇
諫請寬諸臣罪帝怒加甚詔下獄被杖死公黻夜
草疏時聞暗中泣嘆聲奮筆不顧世宗立贈太常

丞福王時
追謚忠恪
鄭善夫

字繼之閩縣人弘治進士武宗南巡偕同列切諫被杖嘉靖中

用薦起刑部郎中為人矜名敦行婚嫁七弟妹贊財悉推與之葬母黨二十餘人所交盡天下名士

虛懷下善人
皆愛而親之

劉世揚

字實夫閩縣人正德進士由庶吉士除給事中世宗初議

加興獻帝皇號世揚疏諫又列上先朝直臣舒芬等二十人請加恩數以旌忠直由是諸臣各進秩

一等既倚同官勅張璉桂萼黨王瓊彭澤等又陳修官八事語皆切時弊為璉等所構謫江西布政

司照磨厯官河南提學僉事所至皆有聲
陳見

福清人嘉靖中舉於鄉倭寇來犯率眾禦之與

訓導鄔中涵同被
執罵賊不止死

鄭世威

字中孚長樂人嘉定進士厯江西僉事副使數

以事忤夏言嚴嵩逮四川參政時嚴嵩方柄政遂致仕嵩敗以薦起累擢左副都御史常言王守仁

不宜從事再遷刑部侍郎詔採珠寶疏諫不聽謝
病歸世咸篤志正學持身嚴苦家居環堵蕭然躬
課耕桑卒贈刑部尚書字恭介陳第字季立連江人初為諸生都
授以古今兵法南北戰守方畧尚書諱綸見而奇
之用為京營裨將歷薊鎮遊擊將軍居鎮十年邊
備甚飭萬厯十一年戚繼光罷鎮邊事漸壞遂棄
官歸所著有毛詩古音考伏羲先天圖贊尚書疏
行麟經直指屈宋音義松軒講義防海林大有
事宜薊門兵事東番記五岳游草諸書林大有
人嘉靖間倭陷城大有時為諸生與知縣張經
周煥血戰死祖母及叔父俱同日以殉張經字
彞侯官人正德進士嘉靖初為給事中劾尚書金
獻民等又極言官校之害請罷勿遣總督兩廣討
平斷藤峽賊侯公丁等與尚書毛伯溫定計撫定
安南積功進兵部尚書倭寇起命經總督諸軍便

宜行事選將練兵為檣巢計會趙文華以祭海至
與浙江巡按御史胡宗憲比趣速戰經固侯永靖
保順兵至文華怒疏劾經比被逮而經方大戰於
王江涇斬首一百八百級有奇卒不救論斬隆慶
初復官
翁正春字兆震侯官人萬厯中進士第一
謚襄敏累官禮部左侍郎署部事作八箴
以獻王貴妃薨以費多久不葬正春言貴妃誕育
元良奈何以天下儉青宮輟講久屢疏懇請並及
福王之國瑞王婚禮語
鄧原岳字汝高閩縣人萬
並切摯仕至禮部尚書
學僉事稅瑞恣橫其爪牙笞辱諸生原岳
捕治之荷校於市素工詩所著有西樓集
字在杭長樂人萬厯進士為工部郎中視河張秋
作北河紀畧詳載河流源委及厯代治河利病出
為雲南叅政極言礦稅害民帝亦
容之學詩於王梈登有小堂草集
林材字謹任閩
縣人萬厯

進士官工科給事中伉直敢言以忤
葉向高 字進卿 福

清人萬歷進士選庶吉士累官吏部尚書建極殿
大學士時天子倦勤庶政不理朝署空虛羣黨角
立向高深憂之在位務以調濟羣情輯和異同為
事數言時政得失帝不能納遂引病歸先宗立召
還天啓改元魏忠賢擅政欲興大獄憚向高未敢
逞一時善類賴以保全已知時事不可為力求去
位忠賢遂無所顧忌大肆羅織善類為之一
空年六十九卒於家崇禎初贈太師謚文忠 **董應**

舉

字崇相閬縣人萬歷進士天啓中累官太常少
卿會廣寧告急疏陳急務數事又請營田近京

乃擢太僕卿經理天津屯務應舉安棟遼東流民
萬數千人大興開墾獲穀充餉進工部侍郎兼戶
部總理鹽錢事朝廷嫉其權重為魏黨劾歸應舉
好學善古文官居慷慨任事在鄉里好興利捍患

人多
曹學佺

字能始侯官人萬厯進士天啓二年
官廣西叅議劉廷元以附魏忠賢得

志劾學佺私撰野史遂削籍崇禎初起副使辭不
就明亡入山投環生平詩文甚雄富總名石倉集

本朝乾隆四十
一年賜諡忠節

劉沂春

字泗哲長樂人崇禎進
士官刑部主事周延儒

繫獄沂春獻之阿上
意屢旨錫責遂落職歸**黃儒**

字三未永福人崇禎
未知榮經縣張獻忠

餘黨陷城令儒屈膝儒不從罵不絕口死之妾杜
氏李氏皆自焚死本朝乾隆四十一年間

賜諡
節愍**鄭逢蘭**

字楚澤閩縣人崇禎末官兵部員外
郎闖賊破京城逢蘭分守西直門被

執不屈嚙舌噴血罵賊死牆死
本朝乾隆四十一年賜諡節愍

本朝陳子達

字仲兼閩縣人順治進士官檢討數厯
楚蜀秦所至皆有實績後舉秦愈清慎

自砥人謂有闕西四知風以裁缺歸閩雖久
官田廬無所置僑寓拓浦蕭然若儒素云
陳丹

赤字獻之侯官人順治舉人初為四川推官連兵
部郎中擢分巡溫處道值耿逆變作總兵祖宏

勳將叛擁兵郡城大觀亭邀丹亦議事丹亦至城
守楊春芳厲聲曰兵餉俱無何以守戰丹亦曰提

標前鋒已集計有五千何謂無兵糧甫給至六月

何謂無餉封疆之臣守死封疆不知其他也宏勳

目左右執斧者斫其臂丹亦罵聲不絕
即挾出兵刃交下死事聞贈通政使施大晁字

宏福清人康熙進士耿逆變亂羅致紳士大晁抗

節不受逆職偽縣令李傳甲偵知匿所逼以偽檄

大晁忠憤激烈嚼舌吐鄭江字若谷侯官人慷慨

罵逆黨羣毆之嘔血死鄭江有至性母葉病將革

江割股羹進母霍然愈後父母殁遇諱日或展墓

哀痛若初喪時戊子大饑數斛穀可易頃田江語

其妻陳曰人為子孫田宅計吾為兄弟目前計竟不以穀易田其孝友類如此次子開極少年登第由翰林歷官諭德孝友敦睦一如其父致仕四十餘年當時罕見其面碩德耆年為一時重望陳廉弼字子卿連江人母病脚且髻卧床二十年廉開門廉弼率衆力扼之邑賴無恙黃成富連江人力於耕作同居

工作諸藝時令其子弟自習之各執其事諸婦遇兒饑則乳之不問為誰兒過衣垢則浣之不問為誰衣客至供具衣食家何履鉢福清人泰寧諸生長主之家中不聞一言事父至孝順治丁酉海寇至履鉢父率鄉勇禦之被困履鉢冒死突救父已櫻刃履鉢抱屍踴哭不去遂遇害林文英字碧山侯官人康熙進士性至孝丁內外艱苦塊三年舉動一粟家禮生平崇正學歷官

上 吉

所至修建蘇軾邱濬楊繼盛海瑞
祠宇為瓊州守卒於瓊祀名官 余正健 字乾行 古田人

康熙進士由編修累遷國子監祭酒督學江南條
教不煩苞苴請謁無一及者疏請范仲淹從祀廟

廉其學守名為順天府尹剔奸弊省囹圄勤於奉職數

督學滇南疾作予告歸 月進秩副都御史再奉

流寓南北朝陳虞寄

餘姚人張彪往臨川寄與俱行 彪將鄭瑋劫寄奔晉安時陳寶

應據閩中得寄甚喜寄每陳逆順之理以 諷諫寶應不從乃居東山偽稱脚疾不起 宋張浚

綿竹人辛炳為御史中丞率同 列劾浚提舉洞霄宮居福州

李彌遠

字似之吳縣人紹興

中隱連元圖多卜鼎

回回人累官廣東廉訪司僉 事寓居福州城陷以石繫其

腰投井死其兄曰穆嚙鼎者官建康曰赫嚙鼎者官信州先是亦皆死國難云圖多卜鼎舊作獨步丁穆嚙鼎舊作穆魯丁王翰靈武人累官福赫嚙鼎舊作海魯丁今改正州路治中元亡屏居永福山中洪武初有薦之者翰曰汝可更適人哉遂自引去

列女五代石氏二女

羅源人長曰月英次曰雪英王審知時青巾賊亂二女遇賊不

屈投水死水傍有石人因命曰十八娘巖

宋唐璘母

古田人璘擢監察御史有憂色母問

其故璘曰此官須為朝廷爭是非一拂上意或忤權貴恐重為大人累母曰兒但盡言吾有溺兄在勿憂璘居官大節母教之助為多李仲敏妻王氏福清人適仲敏早卒王年二十

三哀慟幾絕既殯乃屏家人自經死

陳氏

閩縣人年守志壽踰九十理宗時詔旌表其門又

同邑林子璧妻陳氏年十八歸林甫七七
日而寡守節不移至九十餘卒事聞旌表

妻林氏

福清人同祖起義兵亡命自經死林氏為
有司所執令具反狀林叱曰林劉二族世

為宋臣欲以忠義報元陳氏

長樂人海賊劫石梁
其夫適在縣郭陳氏

遇賊被執且行且罵賊亂捶之扶以登舟罵不已

自投江中其父方卧病見其女至呼之不應駭曰

吾豈夢耶既而自賊中歸者言陳氏死狀乃知其

為鬼也明日屍逆流而上止石梁岸傍其夫驗其

背有黑子乃慟哭曰

穆什頁庫妻

是吾妻也昇歸葬之

色目人穆什頁庫奉使廣東妻

留福州時悍卒為變逼勒之妻持斧擊殺卒遂為

同營卒所殺時長樂柯宗實妻陳氏古田蔣國秀

妻陳氏林氏女城皆遇害被害死

明李廣妻盧氏

穆什頁庫舊作馬速忽今改

名佳娘福清人成婚甫六月廣卒既殮哭輒僅仆
伺家人防懈潛入室自經同縣游政妻倪氏亦以

死林用進妻謝氏福清人進早卒氏誓以身殉絕
粒待斃越旬餘不死取仙藏金

雜鉛粉吞之又不死面腫目湧僅留殘喘偶家人
絮用進書篋至大慟嘔血盈盆遂昏逝年二十有

一陳商妻王瓊妹福清人許氏未娶而商卒女告
其母奔陳為持喪居數歲會倭

寇作瓊妹被執不辱拾陳九敘妻吳氏長樂人嘉
靖中倭變

為寇所獲驅之不行罵不絕口俞氏福清人受聘
延頸受刃賊通斫其膚而死於鄭濬元夫

死鵠素奔喪披髮哭奠以刀自刎姑遽奪之而喉
未斷又以簪刺不死復自經將絕姑又解救之竟

絕粒二十日乃死林挺妻何氏福清人嘉靖間倭寇挺父
子被執挺求免父執已氏

見翁還而夫不在欲自殺以殉家慰以稍待既而有言斑死狀何為夫招魂從容自縊時同邑張季臨妻林氏亦與姑同被執氏願以身代姑得免氏紿賊曰我宅前池中有金寶賊信之氏導往自投於水賊刺殺之又韓一敬繼妻林氏夫死適年撫前子成立遂與姊如訣抱鏡投江而死又林師學妻廉氏嘉靖中倭亂夫婦被擄擁迫登舟謂夫曰汝可潛歸吾死矣不受辱也遂投海死又鄭大鷺妻周氏夫卒氏絕而甦者三既殯夫於寢右氏命左之詰旦自經於柩側乃知其虛右以待也又林長淮妻陳氏適長淮一載夫病以目晚婦婦揣知夫意入室自縊為家人所覺又因夫尚病卧不忍遽背越三日

夫亡自縊

本朝林德鬻妻黃氏

福清人海寇突至黃遇賊劫之行不從賊刃之斷五指仆地賊

義而捨之後得驚遺疾黃知不林百麟妻黃氏清

起誓以死殉夫卒七日乃縊

人麟溺死黃撫膺號哭為夫殮畢以刀割喉流血

數升仆地氣絕復甦即引喉傷向石墻尖角往來

刮磨為家人救持至晚復就縊越次夜懸梁者再

繩斷不得死復以敗絮塞口不得死乃取鐵筋刺

入喉傷處攪斷喉根而絕年二十有三又同縣翁

鑽斷不得死縣王荷天妻莊王孔璽妻陳俱夫亡

殉節又張大光

陳得棟妻蔣氏

福清人與五都陳

婢張亦以烈殉陳得棟妻蔣氏福清人與五都陳

賊掠通汚不從賊露刃於頸二婦力拒

且罵賊怒磔之兩屍噴血道上不減

林儼妻翁

氏侯官人儼溺水死翁矢節不移寇掠洪塘被執

露刃通之不從且罵斷手屠面血肉飛潰賊怒

猶寸磔之葉日炳妻陳氏侯官人許字未婚夫卒計至

磔之葉日炳妻陳氏

陳閉戶自縊以救免乃毀妝

茹素守貞十一載日炳父母俱逝其兄弟以禮迎歸擇兄子為嗣時方襁褓女哭奠殯所即開戶窺室朝夕對木主哭泣又六年嗣子已六歲料能成立即於所居投環盡節年三十六施延哲

妻吳氏

福清人受聘未婚延哲卒既葬訃至女哀請奔喪拜夫墓自縊家人救之至夜蒙被

復繼至雖鳴不死家人驚又解之次夜復經於床繩斷不死經於畫梁中屋震如濤久之繩又斷衆

憐之聽其述死自是水漿不入口者十三日含笑而逝年二十又同縣張可育妻方連江縣趙葵妻

鄭皆許字未婚聞夫死奔喪殉死

林邦楨妻鄭氏

侯官人江季女事姑以孝聞夫

早卒家酷貧矢志撫孤備歷艱阻苦節幾三十年守禮不踰尺寸親課二子學成人咸稱賢母云

何裕妻陳氏

閩縣人浙江糧道一夔孫女歸何裕二載裕遭重疾氏刲股和藥以進不

治水漿不入口者七日事舅姑彌勤摯繼從子為
嗣教以讀書為品置祀田周貧乏巡撫鍾音表其
問旌表入節孝祠又同邑節婦莊篤培妻林氏
陳道泳妻李氏劉經妻林氏余成名妻劉氏林德
懋妻邱氏洪祚妻周氏游君禧妻陳氏諸生王聯
芳妻葉氏邵文光妻黃氏李建極妻王氏陳日輝
妻蔡氏鄭田遠繼室陳氏陳以柱妻江氏傅世哲
妻陳氏林賢煙妻陳氏張繼妻林氏高坦妻陳氏
吳文表妻鄭氏董孔亮妻陳氏林良誠妻范氏陳
敦夫妻林氏林翼為妻楊氏黃紫善妻林氏李文
烜妻吳氏金極妻葉氏陳嘉譽妻林氏嚴棟妻林
氏陳永在妻曾氏黃縉爵妻陳氏何奕琰妻陳氏
張士美妻施氏林尚飄妻蔡氏張爾喜妻鄭氏張
恒蘭妻蔡氏陳超然妻鄒氏高鳳芳妻黃氏施友
瓊妻葉氏楊廷棟妻辛氏沈學源妻黃氏林人標
妻陳氏李湧生妻葉氏林守澤妻陳氏林汝耀妻

李氏王廷允妻陳氏李良棟妻林氏黃汝采妻傅氏陳世禧妻林氏羅正誠妻吳氏黃金章妻張氏歐溶妻何氏范希禹妻翁氏陳啟先妻鄭氏陳天棧妻王氏邵康石妻鄭氏翁宏向妻林氏周永和妻陳氏王恒升妻林氏鄧必捷妻雷氏趙經邦妻史氏倪達善妻鄭氏又吳暉聘妻莊氏林世澄聘妻鄭氏又烈婦林劉氏黃林氏以不汙自盡陳元煒妻林氏夫亡身殉林承治聘妻蕭淑宮張敬耀聘妻鄭氏以夫死身殉俱陳允遴妻林氏侯官人於乾隆年間先後旌表

年二十四歲而寡家居壁立窮困萬狀氏甘貧侍姑至孝撫孤成立為諸生課督不倦節守三十一載乾隆年間旌表

林氏儒士倪次文妻張氏翁長琮妻洪氏莊森妻陳氏舉人林芷淳妻蔣氏林日吳妻陳氏莊仁妻周氏黃麒會妻方氏諸懋木妻陳氏吳湘妻蔡氏

何然妻陳氏莊濂妻王氏劉敬義妻陳氏高華妻
莊氏陳日贊妻鄭氏甘昌衍妻陳氏高鳳適妻葛
氏翁從賓妻陳氏葛經邦妻葉氏蕭士品妻陳氏
鄭任鎡妻林氏施天資妻李氏陳爾光妻唐氏魏
雯妻陳氏林立九妻高氏林圭妻吳氏謝希哲妻
洪氏鄭啓宴妻謝氏牛北柱妻陳氏林允通妻潘
氏方裔若妻江氏宋君臺妻陳氏劉世璋妻林氏
王克周妻林氏王安妻鄭氏林士培妻藍氏姚禮
章妻鄭氏謝大成妻李氏張大振妻吳氏高士龍
妻楊氏王若喬妻郭氏江安侯妻任氏蔡鐸妻周
氏妾鄭氏陳書繼妻朱氏齊長錦妻謝氏陳義振
妻蔡氏倪庚化妻詹氏吳茂協妻鍾氏李涵元妻
林氏張正卿妻翁氏林光棟妻郭氏何元煥妻鄭
氏陳邦珽妻鄭氏張汝清妻鄭氏劉佳溶妻張氏
劉佳妻妻鄭氏林雄臣妻郭氏何恒淳妻吳氏妾
陳氏蔣惠妻陳氏妾張氏危秉直妻朱氏夏大珩

妻黃氏江樹妻梁氏周時楷妻葉氏陳峻耀妻林氏倪茂枝妻王氏柳澤灃妾王氏陳治策妻趙氏池漢章妻徐氏黃枝拔妻宋氏張士獻妻唐氏張斯寔妻林氏翁學海妻蔣氏張萬選妻謝氏方鐘聯妻姚氏王國根妻陳氏周季允妻葉氏謝錫章妻鄭氏謝天驪妻汪氏徐銘勳妻陳氏徐蔭麟妻陳氏陳日章妻郭氏陳承訓妻鄭氏吳武卿妻梁氏陳惠夫妻江氏盧協中妻龔氏陳道華妻王氏鄭霖之妻林氏又烈婦林守仁繼妻王氏薩知進妻謝氏陳國霖妻丁氏楊世旺聘妻許氏皆夫亡以身殉俱于乾隆年間旌表文翰林院鄭任銓幼女名李娟性警敏七齡能頌詩書九齡值父宦京師弟遭疾瀕危日夜號泣侍湯藥禱天願以身代卒不起事載邑志又鄭澍未婚妻郭氏幼聰慧兼善書字未婚而澍天氏奔鄭門執婦道甚敬謹夫家欲以其節請旌謝曰吾方痛死者不可復生

又因以為名哉年七十八
而卒其貞靜為人所難
余時卿妻張氏
古田人年二十

歲夫歿次子端士相繼卒妻李氏年二十九撫四
子誓不再適未幾長子次子又歿長婦李氏次婦

陳氏皆年少守志姑媳妯娌相依為命嗣孫登林
復天妻李時亦年少一門四代五寡均勵節操又

同邑節婦李鏊未婚妻黃氏陳耀南妻熊氏黃國
樞妻李氏魏潤妻丁氏陳聖昌妻張氏阮鴻杰妻

余氏薛大衍妻黃氏長媳陳氏次息李氏三媳朱
氏陳作霖妻李氏林夢鳳妻徐氏余永燦妻吳氏

余希旦妻李氏翁維珍妻陳氏翁維璠妻張氏熊
貢吉妻夏氏朱兆斯妻魏氏甘自桐妻陳氏陳紹

芳妻曹氏賴應璋妻陳氏林為馨妻葉氏程必捷
妻陳氏卓錦男妻張氏鄭光耀妻陳氏魏元畧妻

林氏江元祚妻李氏俱于
乾隆年間先後
陸瑞金妻張氏
屏南人
歸瑞金

三載夫矢志不移營翁姑寔窋課督孤子成立苦節垂六十年旌表同邑節婦張贈祿妻孫氏張

旭旦妻周氏胡永裕妻黃氏包國珍妻蕭氏張正模妻徐氏韋元佐妻謝氏蘇聖瑞妻吳氏包贈爵

妻甘氏孫維正妻鄭氏蘇為璇妻楊氏黃賽觀妻周氏周天麒妻蘇氏又烈婦張顯名妻韓氏以不

汙自盡俱于乾隆年間旌衣曾興踞妻林氏閩清人年二十一

隆年間旌衣曾興踞妻林氏歸曾夫卒姑病瘋卧床不起氏甘貧堅守侍病姑朝夕不離左右者

十三年撫孤子克盡仁慈其節孝尤著同邑節婦黃君士妻傅氏詹子愷妻吳氏姚榮妻周氏詹永

哲妻鄭氏林壁萬妻陳氏陳志銳妻姚氏鄭宗生妻葉氏毛石公妻劉氏許而夫未婚妻劉氏程孟

達妻吳氏劉一鴻妻陳氏孫孔鎬妻余氏張爾盛妻吳氏陳研妻許氏詹宜之妻陳氏毛鳴雷妻孫

黃植圖妻許氏俱于乾
隆年間先後旌表
陳元秀妻鄭氏長樂八年

十八歸陳

夫病刲股和藥罔效及卒誓志守貞事翁姑盡孝
會姑病篤又刲股以療謂子孫嚴而有法年七十
四而卒又同邑節婦謝宸浩妻潘氏同未婚媳林
氏陳天寶妻卓氏陳天球妻鄭氏柯萬明妻王氏
柯國標妻吳氏陳良興妻潘氏鄭純鑑妻陳氏江
元曉妻鄭氏陳吉甫妻彭氏蔣文欽妻林陳于上
上妻鄭氏陳亨圭妻鄭氏陳昶妻黃氏鄭興超妻
陳氏林天蓮妻陳氏林元秋妻吳氏柯天弼妻楊
氏陳夏妻羅氏陳簡元妻林氏李文浩妻陳氏陳
利笏妻柯氏江霽妻高氏李開元妻劉氏陳元金
妻林氏黃德錦妻陳氏陳典安妻田氏曹雲妻陳
氏林德彬妻陳氏林有騰妻陳氏林茲惠妻邱氏
林開之妻廖氏林文滋妻邱氏鄭良樂妻陳氏林
行敏妻陳氏陳行大妻張氏陳式泰妻江氏張春

秦妻程氏陳有彩妻鄭氏陳友萬妻林氏陳震藻妻吳氏陳亨駿妻韋氏徐必仲妻陳氏陳廷基妻林氏鄭代極妻陳氏陳錫圭妻林氏曾忠江妻鄭氏黃紹經妻官氏謝璋妻林氏陳愛雍妻鄭氏鄭良岱妻謝氏又烈婦高陳氏故魏氏黃林氏俱以遇暴不汙自盡俱于乾隆年間先後旌表鄭

家樑妻孫氏

連江人歸家樑貧無立錐氏盡脫簪珥助之蠶粥布素自安育二子而家

樑卒氏方少年以鞠二子以禮自閑端莊矜肅爲閨中風範又同邑節婦吳力行妻朱氏黃萬年妻葉氏陳光祿妻王氏孫斯若妻陳氏謝正仁妻莊氏陳時超妻黃氏黃羽未婚妻謝氏陳堯文妻王氏黃蕭寧妻葉氏林紹妻吳氏邱欽士妻楊氏游有濟妻趙氏熊元鼎妻孫氏葉德介妻林氏陳光堂妻王氏謝庭徽妻孫氏趙克修妻陳氏董能禮妻林氏邱懷玉妻陳氏孫貽能妻鄭氏林子騰妻

陳氏周達妻易氏陳光枝妻邵氏周士嚴妻易氏
陳繼祖妻周氏陳汝垂妻吳氏戴君培妻陳氏吳
思錦聘妻官氏陳榮達妻張氏陳榮洋妻瞿氏林
敬上妻陳氏鄭宗淑妻林氏又烈婦陳建輝妻林
氏林蔭妻陳氏鄭攸仲妻陳氏張廷枝妻謝氏李
朝卿妻陳氏陳方宙妻吳氏俱以夫亡身殉又孫
廷建妻魏氏周大鷹妻吳氏陳繼妻葉氏邱敏妻
吳氏王翼鶴妻鄭氏應達妻陳氏鄭紹賢妻章氏
鄭質仲妻楊氏陳起瑜妻滕氏俱未婚
夫亡以死殉皆乾隆年間先後旌表林汝瞻妻
尤氏羅源人時廣東流寇至一家被擄載至長江
港口氏歎曰吾一家被掠掠母女諸媳同舟今
得死於故土足矣遂抱女同投江中一時諸媳如
埋三十四口皆死又同邑節婦蕭時嘉妻黃氏
林濟時妻鄭氏游奕輝妻朱氏陳掄妻鄭氏游承
鼎妻黃氏林先綬妻鄭氏葉綱妻黃氏游于京妻

黃氏歐王行妻程氏黃洪達妻鄭氏又烈女黃國
梁妻陳氏夫亡身殉俱乾隆年間先後旌表

柯大煥妻林氏

永福人年二十九夫死飲藥茹表
課子成立苦節歷三十餘年又同

邑貞女謝秀璉年十三父母俱歿遺弟妹俱幼秀
璉自矢不字撫弟妹長成爲之婚嫁營殯二親孝
弟兼盡鄉里咸欽焉又節婦黃士拔妻林氏張世
堪妻陳氏媳黃氏董克驥妻林氏陳瑞亨妻蔡氏
齊一鴻妻劉氏黃毓長妻陳氏杜世柄妻林氏張
昌儀妻林氏貞女柯氏薛世隆妻林氏薛學海妻
汪氏薛學泰妻陳氏俱
乾隆年間先後旌表
余宏生妻何氏 福清人于
歿無子遺二女爲夫擇嗣鞠育教誨辛勤備至次
女許氏陳文乾未婚殉烈氏持家儉勤舅姑及夫
窀穸經營盡禮冰蘖自持守志四十餘年乾隆年
間旌表又同邑節婦王賜妻魏氏陳可球妻吳

氏周君明妻王氏吳世錦妻林氏媳蔡氏翁兆瑞妻何氏林百范妻李氏葉廷和妻魏氏林兆則妻陳氏孫學孟妻王氏俞順人妻陳氏何述四妻林氏林嘉相妻李氏葉崇仁妻陳氏葉廷和妻魏氏念允啟妻何氏陳春元妻林氏嚴常輔妻陳氏林建敷妻余氏鄭灼祖妻吳氏余瑞傳妻戴氏林家彬妻陳氏許茂梁妻游氏又林光湖聘妻倪氏夫亡身殉俱乾隆年間先後旌表

仙釋漢徐登

永福人少牧牛山巔遇異人得仙術與東陽趙炳遇於高益山各試所能登能

禁水不流炳噴飯著樹輒成花云

三國吳董奉

士燮傳注葛洪神仙傳曰燮嘗病死

己三日仙人董奉以一丸藥與服半日能起坐四日復能語遂復常董奉字君異侯官人也

唐

王霸

自齊時渡江入閩居西郊之外於怡山鑿井煉藥能為黃金歲饑則鬻金市米以濟貧者

貞元中即其宅建冲虛宮祀之
任敦 天寶中修煉於福州大鵬

並祀徐登董奉任敦為四仙祠
山後於此山上昇因名昇山
今洗藥池昇仙臺遺址尚存
懷海 長樂人幼事龍泉禪師浣巾於

井見二小龍戲於水中以鉢探二龍戲於師師奇
之令受戒具曰逢馬則參逢犬則止後至百大山

參馬祖禪得道元
五代僧義淑 有道行居萬歲寺嘗苦旱以膏燃指

和中謚大知禪師
頃有黑雲從鉢起大雨如注已
而黑雲復歸鉢內烈日如初
宋僧銓 居連江獨覺巖與怡

山大滿為友峯頂有巨石銓指叱之詰旦移山下
儼成一室銓趺坐其中巖有猛虎為獵矢所中銓

為拔去後虎來謝出入相
隨政和中謚慈惠禪師

土產鹽 新唐志侯官長
金 寰宇記土
鐵 明統志閩
福清二縣

出 綿絹

元和志福州貢綿絹蒙
字記土產輕絹絲布

紵布

元和志閩清
古田諸縣出

土 蕉布

元和志貢白蕉新唐志土
貢蕉布蒙字記土貢蕉葛

文扇

新唐書閩
縣侯官出

土 簞

蒙字記
土產

白藤箱

蒙字記
土產

海蛤

蚺蛇膽

乾

薑

元和志俱
列貢品

茶

橄欖

新唐志
俱土貢

荔枝

方輿勝覽譜
有江家綠十

八娘狀元紅將軍紅香絕品又
有蜜漬白晒諸名爲北地所珍

龍眼

明統志諸
縣土產

笋

筍

蒙字記閩
縣土產

蔗

明統志府城
西有甘蔗洲

乾白沙糖

蒙字記各
邑土產最

饒 鹿角菜

紫菜

明統志俱
各邑土產

壽山石

方輿勝覽出
懷安縣稷下

里潔淨如玉柔
而易錫蓋珉類

金銀沙

明統志在東山文殊般若若
院出金沙普賢院出銀沙

香櫟

明通志各縣出

木麗

蔡襄詩國國木麗叢繁香暑中坵今謂之茉莉

素馨

方輿

勝覽土產譜載潔白芬芳

欽定大清一統志卷三百二十六

開

化

府

固

興化府圖





興化府表

兩漢

會稽郡地

三國吳

品

晉安郡地

宋

蘇梁陳

陳為南
郡地

隋

建安郡

唐

泉州地

五代

宋

與之單

太平興國四年夏
平軍尋敗
名鎮福建
路

无

與之客

與仁路
至元中
路屬補建
道宣慰司

明

東

男仁府
政府需福
建布政司

蕭田縣

治縣地

東安縣地

晉安縣志

明皇中
有入南

莆田縣
武德中
貞觀豐州
景雲二年
豐州

莆田縣

莆田縣
初屬興化
軍後移回
興化縣移
軍來治

莆田縣
路治
興化縣
皇慶初移
治屬興化
路

正統十
年省入

正統十三年省入

仙遊縣

治身地

哥安縣地

南安縣志

仙遊縣
初為莆田
縣地聖曆
二年析置
清源縣屬

仙遊縣

仙遊縣
軍
興化縣

仙遊縣
屬興化府
皇慶初建

仙遊縣
屬興化

屬興化府

歐定可車人馬

1

武榮州尋
蜀州天
寶初移縣
治更名

太平興國
四年折簡
田置縣為
興化軍治
八年軍使
縣廢